

## ორი თვე არჩევნებამდე

დათო ბაჩიშვილი

საქართველოს პრეზიდენტმა მიხეილ სააკაშვილმა საპარლამენტო არჩევნების თარიღად კონსტიტუციით დაშვებული ყველაზე ახლო რიცხვი აირჩია. კენჭისყრის დღედ პირველი ოქტომბერი, ორშაბათი გამოცხადდა, რომელიც, საარჩევნო კოდექსის მიხედვით, უქმე იქნება.

არჩევნების დღის გამოცხადება სხვადასხვა წინასაარჩევნო უფლებება-მოვალეობების ამოქმედებასაც ნიშნავს. პოლიტიკურ სუბიექტებს საარჩევნო კამპანია დიდი ხანია, არაოფიციალურად დაწყებული აქვთ, თუმცა, როგორც ცესკო-ს თავმჯდომარემ ზურაბ ხარატიშვილმა "24 საათს" უთხრა, ეს კამპანია უკვე იურიდიულად დასრულდა. მისი თქმით,

საარჩევნო სუბიექტებისთვის ასევე უფასო საერთოდრო ამოქმედდება და საარჩევნო მიზნებისთვის პოლიტიკური პარტიების ანგარიშის გახსნაც შესაძლებელი იქნება.

როგორც ზურაბ ხარატიშვილი ამბობს, ცესკო-ს საკმარისი დრო, ადამიანური და ფინანსური რესურსები ჰქონდა, რათა არჩევნებისთვის კარგად მომზადებულიყო. რაც შეეხება უახლოეს პროცედურულ საკითხს, ზურაბ ხარატიშვილის თქმით, ეს არის პარტიების რეგისტრაცია. იმ პოლიტიკურმა გაერთიანებებმა, რომლებსაც პარლამენტში დეპუტატები ჰყავთ, 5 აგვისტოს 18:00 საათამდე არჩევნებში მონაწილეობის შესახებ ცესკო-ში განაცხადი უნდა შეიტანონ. "ამით პარტიების რეგისტრაციის პროცედურა დასრულდება, - ამბობს ხარატიშვილი.

რულდება, - ამბობს ხარატიშვილი, - მნიშვნელოვანია, რომ დამოუკიდებელ კანდიდატებსაც აღნიშნული ვადა აქვთ განაცხადის შემოსატანად. თუმცა, ისინი იმ ოლქებში რეგისტრირდებიან, სადაც კენჭს იყრიან."

საპარლამენტო არჩევნებთან ერთად პირველ ოქტომბერს აჭარის უმაღლესი საბჭოს არჩევნებაც ჩატარდება. "ყოველთვის რჩება იმის განცდა, თითქოს რაღაცის გაკეთება უკეთესად შეიძლებოდა, მაგრამ სრული პასუხისმგებლობით ვაცხადებთ, რომ საარჩევნო ადმინისტრაცია მზად არის როგორც საპარლამენტო, ასევე აჭარის უმაღლესი საბჭოს არჩევნებისთვის," - ამბობს ხარატიშვილი.

ბაზრძალაბა  
მ-3 გვარდუა

## ოპოზიციური კომისიის ოპოზიცია

დათო ბაჩიშვილი

ამომრჩეველთა სიების გადამოწმების უზრუნველყოფის კომისიის ოპონენტები იმთავითვე გაუჩნდა. "ამომრჩეველთა სიების გადამოწმების უზრუნველყოფის კომისიის თავმჯდომარემ მამუკა კაციტაძემ, 1 აგვისტოს მდგომარეობით, ამომრჩეველთა ერთიანი სიის მონაცემების პრეზენტაცია გამართა.

კაციტაძის თქმით, ამომრჩეველთა ძირითადი სია 3 385 844 პირს აერთიანებს.

გარდა ამისა, ამომრჩეველთა ერთიანი სიაში მისამართის არმქონე 52 648 ამომრჩეველია შესული. 188 995 რეგისტრაციის მისამართიდან არის მოხსნილი. 42 390 ამომრჩევლის მისამართი გაურკვეველია.

კომისიამ სტატუსების მიხედვით სიის კლასიფიკაციაც მოახდინა. როგორც მამუკა კაციტაძე აღნიშნავს, 1 აგვისტოს მონაცემებში პროექტ "კარდაკარის" შედეგებთან შედარებით, უცხოეთში გასულ და მინერალ ამომრჩეველთა რაოდენობა გაზრდილია.

რაც შეეხება ერთიანი სიაში სტატუსების მიხედვით გადანაწილებას, 310 113 ამომრჩეველი საზღვარგარეთ იმყოფება; 55 277 სამხედრო სამსახურშია; 207 055 იძულებით გადაადგილებული პირია; 1295 პატიმარია, რომელიც ხმის უფლებით სარგებლობს; 19 3465 ამომრჩეველს რეგისტრაცია გაუქმებული აქვს.

მამუკა კაციტაძის თქმით, მხოლოდ ერთი მონაცემის გადამოწმება ვერ მოხერხდა. ევროკავშირის წევრი ქვეყნების მოქალაქეების რაოდენობა, რომლებიც საქართველოში დაიბადნენ და ბოლო 5 წლის განმავლობაში საქართველოში იმყოფებიან, ვერ დაზუსტდა. "სამოქალაქო რეგისტრაცია ამის შესახებ ინფორმაცია ვერ მოგვანოდა," - აღნიშნავს კაციტაძე.

ბაზრძალაბა  
მ-3 გვარდუა

## ირანს დიალოგის განახლების იმედი აქვს

დასავლეთი კი სანქციებს ამკაცრებს



ალი-აკბარ სალემი

თამთა კახაძე

ერთ-ერთი გაზეთისთვის მიცემულ ინტერვიუში ირანის საგარეო საქმეთა მინისტრმა ალი აკბარ სალემმა განაცხადა, რომ ირანი თავისი ბირთვული პროგრამის შესახებ მსოფლიოს წამყვან ქვეყნებთან კიდევ ელის მოლაპარაკებების გამართვას. "24 საათის" მკითხველისათვის უკვე ცნობილია, რომ ბოლო შეხვედრა, რომელიც სტამბულში გაიმართა, რაიმე ხელშეწყობები შეთანხმების გარეშე დასრულდა.

ბაზრძალაბა  
მ-4 გვარდუა

1 აშშ დოლარი	1.6589\$
1 ევრო	2.0381\$
1 ინგლისური გირვანკა	2.6031\$
1 თურქული ლირა	0.9236\$
100 რუსული რუბლი	5.1509\$
თბილისი	31°C - 23°C
ქუთაისი	36°C - 24°C
თელავი	32°C - 23°C
ზუგდიდი	35°C - 21°C
ბათუმი	29°C - 23°C
ნავთობი	2.87 +0.02 +0.80%
გაზი	3.17 -0.04 -1.23%
ოქრო	1,602.30 -8.20 -0.51%
ხორბალი	863.50 -24.75 -2.87%

## ლონდონში სისარიალს ებრძვიან

გიგა ბურასაშვილი  
ლონდონიდან

ლონდონის ოლიმპიურ თამაშებზე მონაწილეთა რაოდენობისა და სპორტის სახეობათა სიუხვის წყალობით, დღის განმავლობაში რამე რომ არ მოხდეს საინტერესო, წარმოუდგენელია. მსოფლიო თუ ოლიმპიურ რეკორდებზე არაა ლაპარაკი, არც დოპინგ სკანდალებზე. "ინგინგ სტანდარტი" ფაქტობრივად ყოველდღე წერს ცარიელ ტრიბუნებზე და იქვე ორანიზატორებისკენ იშვერენ თითხვები არასწორად გაანალიზდა.

საკითხი იმდენად მნიშვნელოვანია, რომ მასზე კომენტარი გააკეთა საფრანგეთის პრეზიდენტმა ფრანსუა ოლანდმა, რომელიც დიდი

ბრიტანეთის პრემიერ-მინისტრ დევიდ კამერონთან ერთად რამდენჯერმე გამოჩნდა ტრიბუნებზე. იმ შემთხვევაში, თუ საფრანგეთის რომელიმე ქალაქი ოლიმპიურ თამაშებს უმასპინძლებს, მსგავს შეცდომებს არ დაუშვებთო. ამ განცხადებით საფრანგეთის პირველმა პირმა "ლონდონი 2012"-ის საორგანიზაციო კომიტეტს (LOCOG) ფაქტობრივად მიუთითა დაშვებულ შეცდომებზე. ამასთან, ოლანდმა ისაუბრა საფრანგეთის სამომავლო გეგმებზეც, რომლის მიხედვით ქვეყნის პირველი პირი საფრანგეთს მოიაზრებს ოლიმპიური თამაშების ახლო მომავლის მასპინძლად. სავარაუდოდ კი ასახელებს 2024 წელს.

ბაზრძალაბა  
მ-6 გვარდუა

## იაპონური კულტურის დღეები ბრძელდება

კინოთეატრი "რუსთაველი" იაპონურ კინოს უმასპინძლობს



კადრი ფილმიდან "მოგზაურობა ჰარუსთან ერთად".

## დიდი იმედგაცრუება



"24 საათის" ელექტრონული ვერსია იხილეთ Web-გვერდზე [www.24saati.ge](http://www.24saati.ge)  
ჩვენი პარტნიორები:

**TBC BANK**  
თბილისი ბანკი

**FM 102.4**  
საქართველოს რადიო

**ბანკი კონსტანტა**  
BANK CONSTANTA

ISSN 1987 9121

91771987 | 91211001



### ივანიშვილი საქართველოს მთავრობის წინააღმდეგ

"უკანასკნელი შეტყობინება დავის შესახებ," - ასეთი სახელწოდება აქვს იურიდიულ დოკუმენტს, რომელიც "ქრთული ოცნების" ლიდერის ბიძინა ივანიშვილის სახელით, საერთაშორისო იურიდიულმა კომპანია "სკადენმა" მოამზადა და რომლის ვაშინგტონისა და ლონდონის ოფისების წარმომადგენლები საქართველოში ორი კვირის წინ იმყოფებოდნენ. ბიძინა ივანიშვილი საინვესტიციო უფლების დარღვევის გამო საქართველოს მთავრობის წინააღმდეგ მსოფლიო ბანკთან არსებულ საინვესტიციო დავების განხილვის საერთაშორისო ცენტრში იწვევს დავას. პროცედურის შესაბამისად, მომზადებული დოკუმენტი საქართველოს მთავრობას უკვე წარედგინა, მოგვიანებით კი, დოკუმენტი დავების განხილვის საერთაშორისო ცენტრს გადაეცემა.

"ქრთული ოცნების" პრესსპიკერის მაია ფანჯიკიძის განმარტებით, ივანიშვილის უფლებების დაცვაზე შეიქმნა საერთაშორისო სასამართლო ინსტიტუტი - მსოფლიო ბანკთან არსებული საინვესტიციო დავების განხილვის საერთაშორისო ცენტრი, რომელიც ვაშინგტონში მდებარეობს.

როგორც ცნობილი გახდა, საერთაშორისო იურიდიულ ფორმასთან ერთად, ბიძინა ივანიშვილის ინტერესებს "ქრთული ოცნების" მაჟორიტარი კანდიდატი, ადვოკატი არჩილ კბილაშვილიც დაიცავს.

"ყველა ის საინვესტიციო უფლება, რომელიც შეილახა გასული წლის ოქტომბრიდან აღწუსებულია და ცენტრს განსახილველად წარედგინება. ეს არის "ბანკ ქართუსთან" დაკავშირებით უკანონო ქმედებები, მათ შორის - კანონის შეცვლა, რომლის საფუძველზე, "ბანკმა ქართუმ" 119 მილიონი ლარის ზარალი ნახა. კანონის შეცვლა შეეხებოდა იპოთეკისა და გირავნობით უზრუნველყოფილი ქონებების გაუფასურებას. ეს შეეხებოდა ასევე ბანკის უკანონო დაჯარიმებას, თითქოსდა იმ ბონუსებს, რომელიც მან თანამშრომლებზე გასცა პოლიტიკურად მოტივაციის გამო," - განაცხადა კბილაშვილმა.

მისივე თქმით, დოკუმენტში საუბარია ასევე იმ უკანონო რეიდზე, რომელიც მს სამინისტრომ მოახდინა 2011 წლის ოქტომბერში, როდესაც ფულის გათეთრების ბრალდებით სანქსაცო მანქანა დააკავეს.

"დავა შეეხება ასევე ძალაღიწილი სტრუქტურების ზეწოლით ბანკიდან კლიენტების გადინებას. 2011 წლის ოქტომბრის ბოლოს, აღნიშნულის გამო ბანკიდან 45 მილიონი ლარი გავიდა. დავა ეხება ყადაღას, რომელიც "პროგრესბანკში" ბიძინა ივანიშვილის წილს დაედო. ეს დარღვევების ნუსხა ასახულია იმ შეტყობინებაში, რომელიც მთავრობას გაეგზავნა," - აცხადებს არჩილ კბილაშვილი. ადვოკატის მტკიცებით, იმ ზარალს, რომელიც თანხობრივად ბიძინა ივანიშვილს მიაღდა, პროცენტი დაერიცხება და ხელისუფლების მხრიდან ანაზღაურებას დაექვემდებარება არა მხოლოდ უშუალოდ ის ხიანი, რაც ივანიშვილს მიაღდა, არამედ ამ თანხებზე დარიცხული პროცენტი, რომელიც ბანკმა შორის საერთაშორისო ბირჟის მონაცემებით გაირკვევა.

რაც შეეხება ჯარიმის სახით ივანიშვილის მიერ გადახდილ 80 მლნ ლარს. ეს თანხა დავის ნუსხაში არ შედის. ადვოკატის განცხადებით, ივანიშვილმა ეს თანხა არა ჯარიმის სახით, არამედ სტიქიით დაზარალებულთა დასახმარებლად გადაიხადა.

## მთავრობა იმართები ბავიდა

### ბავდა ლაქიანისი

პრემიერ-მინისტრის დავალებით, მინისტრთა კაბინეტის წევრები იმართები კვირის ბოლომდე დარჩებიან.

კახეთში სტიქიის შედეგად მიყენებული ზარალის ანაზღაურება ჯერ არ დასრულდა. სტიქიის ზონა უკვე დატოვდა საქართველოს შეიარაღებული ძალებმა. მათთან ერთად დედაქალაქში დაბრუნდნენ მინისტრთა კაბინეტის წევრები. გუშინ კი ისინი ქუთაისში ჩავიდნენ. მიმდინარე კვირის ბოლომდე მთავრობის წევრები იმართები სხვადასხვა სოფლებს ესტუმრებიან და მოსახლეობას მთავრობის სამოქმედო გეგმას გააცნობენ. პრემიერ ვანო მერაბიშვილის თქმით, ყველა მოქალაქემ უნდა იცოდეს, რა საკითხების მოგვარებას შეეცდება ხელისუფლება მომდევნო ოთხი წლის განმავლობაში და რა იქნება მათი პრიორიტეტები. დასაქმება, ჯანდაცვის ხელმისაწვდომობა და სოფლის მეურნეობის განვითარება - ასეთია საქართველოს მთავრობის სამოქმედო გეგმის მთავარი მიმართულებები.

მთავრობის გუშინდელ სხდომაზე პრემიერმა განაცხადა, რომ ჯანდაცვის მი-

ნისტრთან ერთად იმართების რამდენიმე სოფელში საავადმყოფოს მშენებლობის დაწყებას დაესწრება. მისივე თქმით, ახალი საავადმყოფოები მალე სტანდარტის ტექნოლოგიებით აღიჭურვება და, რაც ყველაზე მნიშვნელოვანია, მოქალაქეებისთვის ხელმისაწვდომი იქნება. პრემიერის გეგმებში შედის, ასევე, სასოფლო სამეურნეო დანიშნულების საწარმოების მონახულება.

"ვაპირებთ რამდენიმე ირიგაციის პროექტის განხორციელებას. გლახებს უნდა მოუყვებით, რა გეგმები გვაქვს სასოფლო სამეურნეო პროდუქტების ექსპორტის მხრივ. გლახებმა საკუთარი პროდუქცია უცხოეთში უნდა გაიტანონ, რათა საქართველოში სოფლის მეურნეობის პროდუქციაზე სტაბილური ფასები იყოს. გლახებმა, ასევე, შემოსავალი უნდა მიიღონ და სტაბილური გასაღების ბაზა ჰქონდეთ, რათა მათი ბიზნესი დაცული იყოს," - ამბობს ვანო მერაბიშვილი. მისივე განცხადებით, იმართები "კარდაკარ" სიარული უკვე დაწყებულია. დასაქმების სამინისტროს რეგისტრატორები თითოეულ ოჯახში აღწერენ, რამდენია დასაქმებული, თვითდასაქმებული და უმუშევარი. პრემიერი პრობლემებს, რომ მთავრობა, შეძლებისდაგ-

ვარად, ყველა უმუშევარს დაეხმარება სასურველი სამსახურის მოძიებაში.

პრემიერისგან დავალება მიიღო განათლების მინისტრმა ხატია დეკანოიძემაც. ვანო მერაბიშვილის თქმით, განათლების უწყების ხელმძღვანელი იმ სკოლებს ჩამოივლის, რომლებსაც რეაბილიტაცია სჭირდება. იმართების რეგიონში რამდენიმე სკოლის განახლება უკვე დაწყებულია.

"თითოეულ სოფელსა და რაიონში არსებული პრობლემების გარკვევას ვაპირებთ. ამის შემდეგ გვექნება ზუსტი ინფორმაცია, რა კორექტივები შევიტანოთ და როგორ დავგვემოთ ჩვენი ბიუჯეტი," - განაცხადა მერაბიშვილმა.

გუშინვე პრემიერი ხონის რაიონის სოფელ ივანდის ესტუმრა და სარწყავი სისტემების სარეაბილიტაციო სამუშაოები დაათვალიერა. ხონი-სამტრედიის მაგისტრალური სარწყავი არხის განმედიითი სამუშაოები 20 ივლისს დაიწყო. არხი 1993 წლის შემდეგ არ განმედილია, რის გამოც სამტრედიის რაიონის მოსახლეობას ამ დრომდე სარწყავი წყლის პრობლემა ჰქონდა. ოქტომბერში, 62-კილომეტრიანი მონაკვეთის აღდგენის შემდეგ, წყლის მიწოდება სამტრედიის 7 სოფელში განახლდება.

ქუთაისში კოპიტანარის აეროპორტი დაათვალიერა ეკონომიკის მინისტრმა ვერა ქობალიამ. მშენებლობის დასრულების შემდეგ პირველი რეისი 27 სექტემბერს შესრულდება. აეროპორტში, ძირითადად, ადგილობრივები დასაქმდებიან, რომლებიც გადამზადების სპეციალურ კურსს უკვე გადაიან. ქობალიას თქმით, აეროპორტის მშენებლობა რეგიონის განვითარებას მნიშვნელოვნად შეუწყობს ხელს.

"ამ მშენებლობაზე 100 ადამიანი უკვე დასაქმდა და მნიშვნელოვანია, რომ ასევე იმართების მკვიდრია - უმეტესად ქუთაისიდან და სამტრედიიდან. ეს აეროპორტი ბიზნესისთვის ახალ საშუალებებს შექმნის," - აღნიშნავს ეკონომიკის მინისტრი.

კოპიტანარის აეროპორტში რკინის ძირითადი კონსტრუქციის აგება უკვე დასრულებულია. ახლა მიმდინარეობს გადახურვა და ფასადის დამუშავება - შემინვა. ასევე, შიდა ელექტროსამუშაოები - გათბობა-გაცივების სისტემების დამონტაჟება.

სარეაბილიტაციო სამუშაოები დაათვალიერა კულტურის მინისტრმა ნიკა რურუამაც. მინისტრი ბაგრატიის ტაძარს ეწვია. აქ რეკონსტრუქცია დასასრულს უახლოვდება.

## IFC-ს რეკომენდაციები საქართველოში სურსათის უვნებლობის გაუმჯობესებისთვის

საერთაშორისო საფინანსო კორპორაცია (IFC), მსოფლიო ბანკის ჯგუფის წევრმა სურსათის უვნებლობის ახალი ქართულენოვანი სახელმძღვანელო გამოცემა, რომელიც სურსათის მწარმოებლებს სურსათის უვნებლობის მართვის სისტემების გაუმჯობესებაში დაეხმარება. ეს კი, თავის მხრივ, გაზრდის მათ კონკურენტუნარიანობას და ხელს შეუწყობს მათ წვდომას ადგილობრივ და საერთაშორისო ბაზრებზე.

IFC-ს საქართველოს წარმომადგენლობაში აღნიშნავენ, რომ სურსათის უვნებლობის სახელმძღვანელო უვნებელი პროდუქტების წარმოებისთვის კონკრეტული მითითებებით უზრუნველყოფს სურსათის წარმოებაში მონაწილე ყველა რგოლს - მათ შორის კომპანიების მენეჯერებსა და სახელმწიფო ინსპექტორებს. IFC-ს სურსათის უვნებლობის გაუმჯობესების პროექტმა ეს სახელმძღვანელო საქართველოში ადგილობრივი ბაზრის თავისებურებებს მთავრად და მისი ელექტრონული ვერსია ქართულ ენაზე გამოცემა. მათივე განცხადებით, "სურსათის უვნებლობის უზრუნველყოფა საერთო პასუხისმგებლობაა და ამ პროცესში ჩარ-

ული სხვადასხვა რგოლების ურთიერთთანამშრომლობას მოითხოვს. IFC-ს სურსათის უვნებლობის სახელმძღვანელო კომპანიებს არა მარტო სურსათის უვნებლობის პრაქტიკის გაუმჯობესებაში დაეხმარება, არამედ ხელს შეუწყობს გაყიდვების ზრდას და ექსპორტის განვითარებას, რასაც შედეგად სამუშაო ადგილების შექმნა და ქვეყნის ეკონომიკის განვითარება მოჰყვება."

სახელმძღვანელო პრაქტიკულ რჩევებს სთავაზობს საწარმოებს, კონსულტანტებს, მარეგულირებელ ორგანოებს, არასამთავრობო ორგანიზაციებს, მომხმარებელთა უფლებების დაცვის ორგანიზაციებსა და მეცნიერებს. იგი კომპანიებს სისტემაში არსებული ნაკლოვანებების გამოვლენასა და სურსათის უვნებლობის მართვის ეფექტიანი პრაქტიკის დანერგვაში ეხმარება. სახელმძღვანელომ წარმატებით გაიარა ტესტირება სამხრეთ-აღმოსავლეთ ევროპაში, უკრაინაში, ბელარუსსა და საქართველოში.

აღსანიშნავია, რომ IFC-ს სურსათის უვნებლობის გაუმჯობესების პროექტი საქართველოში ავსტრიის ფინანსთა სამინისტროს და BP-სა და მი-

სი ნავთობის და გაზის პარტნიორების ფინანსური მხარდაჭერით ხორციელდება. IFC-ს ინვესტიციებმა საქართველოში კი თითქმის 605 მილიონი აშშ დოლარი შეადგინა სხვადასხვა სექტორის 40 პროექტში. გარდა ამისა, IFC თავისი საკონსულტაციო პროექტის ფარგლებში მუშაობს საქართველოს საგადასახადო სისტემის რეფორმირების მიმართულებით, რაც მცირე ბიზნესის განვითარებას უწყობს ხელს. ორგანიზაცია საკონსულტაციო პროექტების მეშვეობით კომპანიებს სურსათის უვნებლობის სტანდარტების ამაღლებაში ეხმარება და მუშაობს ბანკებთან მათი რისკის მართვის პრაქტიკის განმტკიცების მიზნით.

IFC-ს რეგიონული მენეჯერი სამხრეთ კავკასიაში თომას ლუბუკი აღნიშნავს, რომ საქართველოში სოფლის მეურნეობას მნიშვნელოვანი ადგილი უკავია ქვეყნის ეკონომიკასა თუ დასაქმების საქმეში და მას ძალიან დიდი პოტენციალი აქვს ზრდის, ექსპორტისა და ინვესტიციების თვალსაზრისით. ბიზნესკარგემოს გაუმჯობესების კუთხით საქართველოში განხორციელებულმა ბოლოდროინდელმა რეფორმამ ხელი უნდა შეუწყოს ამ

სექტორის წინსვლას. თუმცა, სოფლის მეურნეობის დარგის ზრდის ტემპი ქვეყნის მასშტაბით საშუალო მაჩვენებელზე დაბალია, კვლავაც არასათანადოა ათვისებული საქართველოს აგრობიზნესის პოტენციალი.

სოფლის მეურნეობა IFC-სთვის საქართველოში, ისევე როგორც თელს რეგიონში, სტრატეგიული მნიშვნელობის დარგია. აგრობიზნესის ერთ-ერთი მნიშვნელოვან სფეროს კი სურსათის უვნებლობა წარმოადგენს, რომლის დონის ამაღლებაც ქვეყანაში IFC-ს მნიშვნელოვანი პრიორიტეტია: ის ქმნის შესაძლებლობებს ეკონომიკის ძირითადი დარგისთვის, ხელს უწყობს ახალ ბაზრებზე წვდომას და უზრუნველყოფს მომხმარებლებისთვის უვნებელი და უკეთესი ხარისხის პროდუქტების წარმოებას.

საქართველოში სურსათის უვნებლობის გაუმჯობესების პროექტის საშუალებით IFC ცდილობს, ცოდნის ამაღლების ხელშეწყობით ადგილობრივი სურსათის მწარმოებლების კონკურენტუნარიანობა გაზარდოს და სურსათის უვნებლობის მართვის საუკეთესო საერთაშორისო პრაქტიკა და-

### ძვირფასო მკითხველო



7 წლის ლუკა წულეისკირს, რომელიც დაავადებულ იქნა - მწვავე ლიმფოიდური ლეიკემიით და ამჟამად გადის მკურნალობას ინტენსიური ქიმიოთერაპიის კურსით გერმანიაში, ქალაქ ფრაიბურგის საუნივერსიტეტო ბავშვთა კლინიკაში აუცილებლად ესაჭიროება ძვლის ტვინის ლეროვანი უჯრედების გადანერგვის გადაუდებელი ოპერაცია.

გთხოვთ, გულთან ახლოს მიიტანოთ პატარა ლუკას მდგომარეობა, გამოიჩინოთ გულისხმიერება და შესაძლებლობის ფარგლებში, ნებისმიერი ოდენობის (მცირეოდენი) შენატანებით დაგვეხმაროთ ოპერაციისთვის საჭირო თანხების შეგროვებაში.

**საბანკო რეკვიზიტები:**  
ბანკის კოდი: **KSBGGE22**  
ბანკის დასახელება: **კორ-სტანდარტ ბანკი**  
ანგარიში: **GE19KSO00000360800511**  
მიმღები: **ა(ა)იპ ლუკა წულეისკირის დახმარების ფონდი**

ასევე შესაძლებელია ჩარიცხვა განხორციელდეს ნებისმიერი მობილური ოპერატორის მეშვეობით (1 ზარის ღირებულებაა 1 ლარი) შემდეგ ნომერზე:

**0 901 500 552**

წინასწარ გიხდით დიდ მადლობას თქვენი თანადგომისა და დახმარებისთვის.

**გაზათი "24 საათი" გამომცემელი შპს "მზა". რედაქტორ-გამომცემელი:**  
გამუშაო ფარუხაშვილი, პაატა ვეშაპიძე.

**რედაქცია:** სოფიო ჩხაიძე (მთავარი რედაქტორი), რედაქტორები: მაია ჭლავაძე (საზოგადოებრივი, Weekend), ინგა ალავიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი) სოფო კილასონია (რევიუ), კახა ფაშუაშვილი (სპორტი). **რეკლამის და მარკეტინგის მენეჯერი:** ირაკლი ლეჟავა ტელ: 899 22 09 49. **პრეზენტაციული ცენტრი:** თამარ ჩხაიძე (მენეჯერი), ირმა ჯიშკარიანი, თენგიზ ქორია, ნინო ყაველაშვილი **რედაქციის მისამართი:** ქ.თბილისი, კოსტავას ქ. №68, საზოგადოებრივი მაუწყებელი, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: **public@24hours.ge**



# ორი თვე არჩევნებამდე

პირველი გვერდიდან

მისი განმარტებით, ამ ორი არჩევნების ორგანიზებისას განსხვავება ის არის, რომ ცესკო-ში საპარლამენტო არჩევნების შედეგები მოიყრის თავს, ხოლო აჭარის უმაღლესი საბჭოს შედეგები ადგილზე დაითვლება. **"პარტიების რეგისტრაციის პროცედურები აბსოლუტურად ერთნაირია,"** - აღნიშნავს ხარატიშვილი.

არჩევნების თარიღის გამოცხადება ტელეარხებზეც ახდენს გავლენას. "მასთ ქერის" და "მასთ ოფერის" პრინციპები არჩევნების დღემდე იმოქმედებს. გარდა ამისა, საარჩევნო კოდექსის თანახმად, კენჭისყრამდე არაუგვიანეს 50-ე დღიდან კენჭისყრის დღემდე, სამაუწყებლო ლიცენზიის მფლობელებმა და "საზოგადოებრივმა მაუწყებელმა" გარკვეული პირობები უნდა დაიცვან. ისინი ვალდებული არიან, მაუწყებლობის მიერ წინასაარჩევნო აგიტაციისა და პოლიტიკური რეკლამისთვის საეთერო დროის გამოყოფის შესახებ საჯაროდ გამოაცხადონ და საქართველოს კომუნიკაციების ეროვნულ კომისიას ყოველკვირეულად გადასცენ ინფორმაცია, რომელი რიცხვიდან რომელი რიცხვამდე და რა პერიოდობითაა გამოყოფილი საეთერო

რო დრო, ერთი დღის განმავლობაში გამოყოფილი დროის ხანგრძლივობა და გრაფიკი, საეთერო დროის ტარიფი და განეული მომსახურება.

## პოლიტიკური შეფასებები

საკანონმდებლო რეგულაციებთან ერთად, არჩევნების თარიღის მიმართ მთავარ ინტერესს სხვადასხვა პოლიტიკური სუბიექტების დამოკიდებულება იწვევს.

მედიას მიხეილ სააკაშვილის გადაწყვეტილება პრეზიდენტის პრესსპიკერმა მანანა მანჯგალაძემ გააცნო. როგორც მან აღნიშნა, საქართველოს პრეზიდენტი კიდევ ერთხელ გამოთქვამს რწმენას, რომ ეს არჩევნები და კამპანია სამაგალითო იქნება. მანჯგალაძემ ის ნაბიჯები ჩამოთვალა, რომლებიც, მისი თქმით, თავისუფალი და სამართლიანი არჩევნების უზრუნველყოფის მიზნით განხორციელდა. **"საქართველოს ხელისუფლებამ გრძელვადიანი საერთაშორისო დამკვირვებლები მოიწვია; ამომრჩეველთა სია გადაამოწმა; ეროვნული უშიშროების საბჭოსთან უწყებათაშორისი კომისია ჩამოყალიბდა,"** - ამბობს მანჯგალაძე.

არჩევნების თარიღი კოალი-

ცია "ქართული ოცნებისთვის" მისაღებაა. კოალიციის პრესსპიკერ მიაა ფანჯიკიძის განცხადებით, არჩევნები რომელიც იქნება, არ უნდა დანიშნულიყო, იმ დღეს დაამარცხებს "ქართული ოცნება" ხელისუფლებას.

როგორც ფანჯიკიძე ამბობს, "ქართულმა ოცნებამ" წინასაარჩევნო კამპანია დიდი ხანია, დაიწყო, გასხნა ოფისები და, ფაქტობრივად, ყველა მაჟორიტარი კანდიდატი წარადგინა. **"ჩვენი გათვლით, არჩევნები შეიძლება, ოქტომბრის პირველ რიცხვებში დანიშნულიყო,"** - აღნიშნავს ფანჯიკიძე.

"ქრისტიან-დემოკრატიული მოძრაობის" წევრი ლევან ვეფხვაძე კი მიიჩნევს, რომ საპარლამენტო არჩევნების პირველ ოქტომბერს ჩატარება დიდი ქალაქების მაჟორიტარობის კანდიდატებს გარკვეულ უხერხულობას უქმნის. **"აგვისტოს განმავლობაში ამომრჩევლები ქალაქებში პრაქტიკულად არ იმყოფებიან. სოფლებში, უცხოეთში, ზღვისპირა ზონაში გადაინდობენ ქალაქებში მაჟორიტარობის კანდიდატებს კამპანიისთვის აგვისტო დაკარგული აქვთ. მათ, ფაქტობრივად, სექტემბრის ბოლო ორი კვირა რჩება. რეალურად, თბილისი 10-15 სექტემბრის შემდეგ იტვირთება,"** - შენიშნავს ვეფხვაძე.

"ახალი მემარჯვენეების" ლიდერი დავით გამყრელიძე მიიჩნევს, რომ უმჯობესი იქნებოდა, საპარლამენტო არჩევნები ოქტომბრის ბოლოს დანიშნულიყო. მისი აზრითაც, მთავარი სირთულეები დიდი ქალაქებში იქმნება. **"ზაფხულში საარჩევნო კამპანიის წარმართვა ძნელია. მოსახლეობა თბილისიდან, ასევე დიდი ქალაქებიდან დასასვენებლად ქალაქგარეთ არის გასული,"** - ამბობს გამყრელიძე, - **გასაგებია, ხელისუფლებას ხელს არ აძლევს, რომ საარჩევნო კამპანიის წარმართვა ნორმალურად მოვასწროთ. პრაქტიკულად სექტემბრის შუამდე თბილისში არავინ არის, დიდი ქალაქებიც დაცლილია."**

"ეროვნულ-დემოკრატიული პარტიის" წევრ გურამ ჩახვაძეს არჩევნების პირველ ოქტომბერს დანიშვნა არ უკვირს. მისი თქმით, ყველა პოლიტიკურმა ორგანიზაციამ იცოდა, რომ საპარლამენტო არჩევნების თარიღად ოქტომბრის დასაწყისი გამოცხადდებოდა. **"ჩვენ არჩევნებისთვის კარგა ხანია, ვემზადებით და ყველაფერი დასახული გვემის შესაბამისად მიდის,"** - აღნიშნა ჩახვაძე და დასძინა, რომ იმ პარტიებს, რომელთაც პარლამენტში შესვლა სურთ, ზაფხულმა ხელი ვერ უნდა შეუშალოს.

**ივანიშვილი ხელისუფლებას უჩივის**

ბიძინა ივანიშვილი "ქართუ ბანკის" მიმართ გატარებული ღონისძიებების გამო ხელისუფლების წინააღმდეგ საერთაშორისო არბიტრაჟში ჩივის. ამის შესახებ "ქართული ოცნების" პრესსპიკერმა გუშინდელ პრესკონფერენციაზე განაცხადა.

მაია ფანჯიკიძის განმარტებით, ბიძინა ივანიშვილის დაცვა საერთაშორისო იურიდიულმა კომპანიამ "სკადენმა" ითავა. მისივე თქმით, "სკადენმა" ივანიშვილის სახელით მოაზარდა იურიდიული დოკუმენტი, რომელიც საქართველოს პრეზიდენტსა და იუსტიციის სამინისტროს გადაეგზავნათ. მათ მიუცათ ორკვირიანი ვადა იმისთვის, რომ მოხდეს შეთანხმება ბიძინა ივანიშვილისთვის ზარალის ასანაზღაურებლად. წინააღმდეგ შემთხვევაში, საქმეს მსოფლიო ბანკთან არსებული საინვესტიციო დავების განხილვის საერთაშორისო ცენტრში, ვაშინგტონში განიხილავენ.

"ქართულ ოცნებაში" არ აკონკრეტებენ, რა თანხას ითხოვს ივანიშვილი საქართველოს სახელმწიფოსგან, თუმცა ორი კვირის წინ მისი უცხოელი ადვოკატი აცხადებდა, რომ საუბარია ასობით მილიონ დოლარზე.

## დავით დარჩიაშვილი წინასაარჩევნოდ პროვოკაციებს არ გამორიცხავს

ევროპასთან ინტეგრაციის საპარლამენტო კომიტეტის თავმჯდომარე დავით დარჩიაშვილი რუსეთის მხრიდან წინასაარჩევნოდ პროვოკაციებს არ გამორიცხავს.

ამის შესახებ დარჩიაშვილმა ჟურნალისტებს ცხინვალის ბაზრებთან და ქალების გაყვანის და რუკის გვირაბთან ტექნიკის გადაადგილების შესახებ გავრცელებული ინფორმაციის კომენტარებისას განუცხადა.

მისი თქმით, კონკრეტულად გადაადგილებებზე არანაირი ინფორმაცია არა აქვს, ვერც დაადასტურებს რამეს და ვერც უარყოფს, თუმცა მიაჩნია, რომ რუსეთის მხრიდან პროვოკაციები გამორიცხული არ არის.

დარჩიაშვილმა აღნიშნა, რომ ასეთი პროვოკაციები მოსალოდნელია განსაკუთრებით საარჩევნო პროცესში, რომლის მიზანიც საქართველოში ზოგადად დაძაბულობის შექმნა იქნება. კონკრეტულად პროვოკაციებში კი დარჩიაშვილმა არჩევნების ჩაშლის მიზნით საქართველოში ემოციების გამოწვევა, მედიასაშუალებებით აფიოტაჟი და ასევე, უშუალოდ სამხედრო პროვოკაციაც დაასახელა.

დეპუტატის თქმით, ოკუპირებულ ტერიტორიებზე საერთაშორისო სამართალი არ მოქმედებს და გამორიცხული არაფერია. თუმცა, დავით დარჩიაშვილი ასევე დარწმუნებულია, რომ რუსეთის ყველა მცდელობის შედეგი მარცხი იქნება.

"შანსი, რომ რუსეთმა რამეს მიაღწიოს, ნულის ტოლია," - განაცხადა დარჩიაშვილმა და დასძინა, რომ საქართველოში არჩევნები ჩატარდება, ქვეყანა იქნება დამოუკიდებელი და რუსული მიზნები, საქართველო თავის სატელიტად გადააქციოს, არ ასრულდება.

## საქართველომ კონტრტერორიზმის გლობალურ ძალისხმევას მხარი დაუჭირა

ამერიკის შეერთებული შტატების სახელმწიფო დეპარტამენტმა მსოფლიოში ტერორიზმთან ბრძოლის შესახებ 2011 წლის ანგარიში გამოაქვეყნა, რომელშიც საქართველოზეც არის საუბარი.

დოკუმენტის მიხედვით, 2011 წლის განმავლობაში საქართველოს ხელისუფლებამ მხარი დაუჭირა კონტრტერორიზმის გლობალურ ძალისხმევას, რომელიც საშინაო და საგარეო ტერორისტული საფრთხეების პრევენციას ისახავდა მიზნად. ანგარიშშივე ნათქვამია, რომ საქართველოს ხელისუფლებამ რამდენიმე აფეთქების პრევენცია მოახერხა, რომლებიც, როგორც ჩანს, სუპერატისტული რეგიონებიდან აღმოცენდა. ქართულმა მხარემ მომხდარში რუსული კავშირები დაადანაშაულა.

"საქართველოს მთავრობის კონტროლის ნაკლებობამ აფხაზეთსა და სამხრეთ ოსეთში, შეზღუდა მისი შესაძლებლობები ამ რეგიონებში კონტრტერორისტულ ქმედებების მიმართ და რუსეთთან საზღვრის უსაფრთხოების უზრუნველყოფის კუთხით," - აღნიშნულია ანგარიშში.

დოკუმენტის მიხედვით, 2011 წელს საქართველოში ტერორიზმთან დაკავშირებული ინციდენტები ოთხი თვის განმავლობაში, მარტიდან ივნისამდე დაფიქსირდა. არავინ დაშავებულა. ინციდენტების გამო რამდენიმე პირი დააკავეს, მათ შორის ორი ადამიანი, რომლებიც, რადიოაქტიური ნივთიერების "ირიდიუმ 192"-ის ტრანსპორტირებას ცდილობდნენ.

## უგულავამ დასუფთავების სამსახურის თანამშრომლებს "მეზოვის დღე" მიულოცა

თბილისის მერმა დასუფთავების სამსახურის თანამშრომლებს "მეზოვის დღე" მიულოცა. დედაქალაქის მერიის ინფორმაციით, გვი უგულავას ინიციატივით, "მეზოვის დღე" უკვე მეშვიდე წელია, აღინიშნება.

"ქალაქის სისუფთავებზე ყოველდღიურად დასუფთავების სამსახურის 3 300 თანამშრომელი ზრუნავს. თითოეული მათგანის დაუღალავი შრომისა და განხორციელებული ცვლილებების შედეგად, თბილისი დღეს ბევრად უფრო სუფთა ქალაქია, ვიდრე წლების წინ იყო. ქალაქში ამ მიმართულებით მნიშვნელოვანი პროექტები განხორციელდა. თბილისის მერია ქალაქის დასუფთავებისა და ეკოლოგიური მდგომარეობის გაუმჯობესებაზე ზრუნვას განაგრძობს და ამ მიზნით სხვადასხვა პროექტების განხორციელებას მომავალშიც გეგმავს," - აღნიშნა უგულავამ.

# ოპოზიციური კომისიის ოპოზიცია

პირველი გვერდიდან

კომისია მოქალაქეებიდან 1 სექტემბრამდე მიღებული შენიშვნების მიხედვით, სიაში შესწორებებს 15 სექტემბრამდე შეიტანს.

მამუკა კაციტაძემ ამომრჩეველთა ერთიანი სიის ელექტრონული ვერსია ცესკო-ს თავმჯდომარეს ზურაბ ხარატიშვილს გადასცა.

"მაქსიმუმ 2 დღეში ცესკო სიის საჯარო ვერსიას მოამზადებს. პირადი ნომრები დაიფარება. შემდეგ კი, ამომრჩეველთა ერთიანი სია ნებისმიერი მსურველისთვის საჯარო გახდება," - ამბობს კაციტაძე.

ზურაბ ხარატიშვილის თქმით, ცესკო პირველ რიგში სიას უზენადად დაყოფს. გარდა ამისა, როგორც ხარატიშვილი ამბობს, თუ არჩევნებამდე სიაში რაიმე ცვლილების შეტანა გახდება საჭირო, ცესკო ამას კომისიის ნებართვით გააკეთებს. "ზუსტად ეს სიები არჩევნების დღეს მაგიდაზე დაიდება," - ამბობს ხარატიშვილი.

თავის მხროვ, მონაცემების

შეგროვება დაასრულა "ამომრჩეველთა ლიგამ".

ლიგის თავმჯდომარის კოკა გუნცაძის თქმით, მათი კომისიის მონაცემებში უზუსტობა თბილისში 21% იყო, ზუგდიდში კი - 17%.

ლიგის მონაცემებით, თბილისში, 0,69% გარდაცვლილია, უცხოეთში 5,63% იმყოფება, მისამართზე არაა 13,34%, ხოლო სიაში არაა ამომრჩეველთა 1,23%.

ზუგდიდის სიებში ამომრჩევლების 0,84% გარდაცვლილია, 2,11% უცხოეთში იმყოფება, მისამართზე არაა 12,97%, სიაში არაა 1,23%.

ამასთან, გუნცაძე ამბობს, რომ ზუგდიდის 12 საარჩევნო ოლქში ხელისუფლების მხრიდან დაშინების და შანტაჟის გამო მათმა კოორდინატორებმა ვერ შეაღწიეს.

გუნცაძე სიების დაზუსტების კომისიისგან, სიების საჯაროდ გამოქვეყნებასა და საზოგადოებისთვის მონაცემების კონკრეტულად გაცნობას მოითხოვს. ამასთან, გუნცაძე მოითხოვს, სიების დაზუსტების

კომისიამ სია გამოაქვეყნოს თბილისსა და ზუგდიდში, ანუ იქ, სადაც "ამომრჩეველთა ლიგამ" ალტერნატიული კარდაკარი ჩაატარა.

თუ მოთხოვნები არ შესრულდება, გუნცაძე ფალსიფიცირების წინააღმდეგ ფართომასშტაბიანი კამპანიის დაწყებას გეგმავს, მაგრამ მეთოდებს არ აზუსტებს.

ლიგამ აღწერა მხოლოდ თბილისსა და ზუგდიდში ჩაატარა. გუნცაძე ამბობს, რომ აღწერილი ამომრჩეველი სრული სიის, დაახლოებით, 35%-ია და ეს რაოდენობა საკმარისია, გამოჩნდეს სურათი, რამდენად კარგად ჩატარდა "სიების დაზუსტების კომისიის" კარდაკარი.

თავის მხრივ, კოკა გუნცაძეს პასუხობს მამუკა კაციტაძე. მამუკა კაციტაძემ "24 საათს" უთხრა, რომ კომისიის გადამოწმებული სიები ჯერ არ გამოქვეყნებულა და მას ვერავინ გადაამოწმებდა. ძველ სიებში აღმოჩენილი ცდომილებები კი, კაციტაძის თქმით, კომისიამ უკვე შეასწორა.

**"ახლა მათი მხრიდან ინ-**

**ფორმაციის მიღებას ველოდებით, რა ცდომილებები აღმოჩნეს. გავარკვევთ, მათ მიერ აღმოჩენილ ცდომილებებში ჩვენ რამდენი გვაქვს აღმოჩენილი, რომელიც ფაქტობრივად უკვე ცდომილებას აღარ წარმოადგენს,"** - ამბობს მამუკა კაციტაძე.

როგორც კაციტაძე ამბობს, რიცხვებით მანიპულირების თავიდან ასაცილებლად, კომისიას კონკრეტული დოკუმენტები სჭირდება, რომლებიც "ამომრჩეველთა ლიგის" მხრიდან ცდომილებებს ამხელს და კომისია მას აღმოფხვრის, თუკი საერთოდ დარჩენილია. **"თუმცა, მიმართა, რომ მათი აღმოჩენილი ცდომილებები მთლიანად აღმოფხვრილი გვაქვს,"** - დარწმუნებულია კაციტაძე.

**"თბილისი და ზუგდიდი გასაგებია, მაგრამ "ამომრჩეველთა ლიგა" დანარჩენ საქართველოს რას უპირებს? რასაც ამომრჩეველთა ლიგა აკეთებს, "კარდაკარი" არ არის, არამედ დაბალი კვალიფიკაციის სოციოლოგიური კვლევის მცდელობა,"** - დასძენს კაციტაძე.

# "ფაქტების კონსტატაცია"

# აღსრულების ეროვნულ ბიუროში

აღსრულების ეროვნულ ბიუროში ახალი სერვისი, "ფაქტების კონსტატაცია" ამოქმედდა. ფაქტების კონსტატაციის სერვისის ძირითადი მიზანი ფაქტის დადგენა და მომხდარზე ოქმის შედგენაა.

მოქალაქის მიერ ფაქტის დადასტურების თხოვნით მიმართვის შემდეგ, აღმასრულებელი ადგილზე დააფიქსირებს

კონკრეტულ სიტუაციას - ფაქტს. ზედმინვნით ზუსტად აღწერს ფაქტებს ოქმში, გამოიყენებს ტექნიკურ მონაცემობობებს, აიღებს ნიმუშებს, როდესაც ეს აუცილებელია და ყველა მიღებულ მასალას დაურთავს ოქმს, რომელიც დაამტკიცებს ფაქტის არსებობას და შეიძლება გამოყენებულ იქნეს მტკიცებულებად.

ბიუროში მიიჩნევენ, რომ "ფაქტების კონსტატაციის"

სერვისი მნიშვნელოვნად შეამცირებს სასამართლო პროცესების ხანგრძლივობას მტკიცების სტადიის ხარჯზე. ხელს შეუწყობს ინტელექტუალური საკუთრების დაცვის გაძლიერებას და მოახდენს უფლებათა წინასწარგანზრახული დარღვევის პრევენციას.

ფაქტების კონსტატაციის სერვისით მოსახლეობას შეუძლია ისარგებლოს ქონების გაქირავებამდე მისი მდგომარეო-

ბის ასახვისათვის, სამეზობლო დავებისას - წყლის ჩამოშვებისას, საერთო სარგებლობის კიბით, სხვენით ან გზით სარგებლობის ხელისშემშლის შემთხვევაში, ჩუქების, გაყრის, ქონების გაყოფის, მემკვიდრეობით მიღების დროს ქონების სრული ინვენტარიზაციისათვის და ა.შ.

ახალი სერვისით სარგებლობა მოსახლეობას საქართველოს ყველა რეგიონში დღეიდან უკვე შესაძლებელია.



### ისრაელში ულტრაორთოდოქსები შეიძლება ჭარში გაიწვიონ

თებერვალში ისრაელის უმაღლესმა სასამართლომ არაკონსტიტუციურად მიიჩნია კანონი, რომლის თანახმადაც რელიგიური სასწავლებლების სტუდენტები სამხედრო სამსახურისგან თავისუფლდებოდნენ. ახალი კანონი ივლისის ბოლოსთვის უნდა შემუშავებულიყო, მაგრამ პოლიტიკური პარტიები ამ დროისთვის კომპრომისულ ვარიანტზე ვერ შეთანხმდნენ. ისრაელის მოსახლეობის საერო უმრავლესობა ამ კანონს უსამართლოდ მიიჩნევს. ამჯერად, კანონის ვადის გასვლის გამო ულტრაორთოდოქსები შეიძლება, ჯარშიც გაიწვიონ. 1949 წლის კანონისა და 1986 წელს მიღებული შესწორებების თანახმად, ისრაელის ყველა მოქალაქე, რომელიც 18 წელს მიაღწევს, ჯარში უნდა გაიწვიოს, თუ არ არსებობს თავდაცვის სამინისტროს სხვა განსაკუთრებული განკარგულება. თავდაცვის მინისტრმა ეჟუდ ბარაკმა სამინისტროს უკვე მისცა დავალება, რომ ერთ თვეში მოამზადონ ნინადადებები 1949 წლის კანონის რეალიზაციისთვის. მინისტრის ბრძანებით, "გათვალისწინებულ უნდა იქნეს სასამართლოს დადგენილება, ისრაელის არმიის მოთხოვნები და ფასეულობები, თანასწორუფლებიანობა ჯარში განწვევისას და ახალწვეულთა ვარგისიანობა სამხედრო სამსახურისათვის." სანამ ეს ნინადადებები არ მომზადდება და პარლამენტი გადაწყვეტილებას არ მიიღებს, ულტრაორთოდოქსებს რეალურად არ გაიწვივენ.

პრემიერ-მინისტრი ბენიამინ ნეთანიაჰუ ვერ ხედავს პრობლემას ზემოხსენებული კანონის ვადის გასვლაში. მისი სიტყვებით, ვაკუუმი არ იქმნება, არსებობს კანონი და თავდაცვის სამინისტრომ უნდა იმოქმედოს ამ კანონის და მიზანშეწონილობის შესაბამისად, ანუ გაზარდოს ახალწვეულთა რაოდენობა ულტრაორთოდოქსების ხარჯზე.

ულტრაორთოდოქსების ლიდერმა მირ პერუშმა კი მედიას განუცხადა, რომ მისი სათვისტომოს წევრების ჯარში განწვევის მცდელობამ შეიძლება, "სამოქალაქო ომი" გამოიწვიოს. მან ისიც დასძინა, რომ არც არმიაა მზად მათ მისაღებად და სამხედროებს არც აქვთ სურვილი, ამისთვის მოეშვალონ.

### თავდასხმას იემენში ორი ადამიანი შეენირა

იემენის ოფიციალური პირების განცხადებით, სამშაბათს ლამით იემენის ქალაქ ჯარში პოლიციის შენობაზე შეიარაღებული მებრძოლების თავდასხმას ორი პოლიციელი ემსვერპლა და სამი დაშავდა.

"ჯარში პოლიციის შენობას ცეცხლი გაუხსნა ორმა შეიარაღებულმა მებრძოლმა, რომლებიც მოტოციკლეტს მართავდნენ," - აღნიშნა იემენელმა მაღალჩინოსანმა. მისი თქმით, თავდასხმელები, სავარაუდოდ, "ანსარ ალ-შარიას" წევრები იყვნენ. ეს დაჯგუფება "არაბეთის ნახევარკუნძულის ალ კაიდას" მოკავშირეა. "როიტერის" ცნობით, ანსარ ალ-შარიაში გასულ წელს აბიანის პროვინციის რამდენიმე ქალაქზე დაამყარა კონტროლი. ცოტა ხნის წინ ამერიკის სახელმწიფო დეპარტამენტის მიერ ტერორიზმის შესახებ გამოქვეყნებულ მოხსენებაში იემენი ტერორისტების აქტიურობის ერთ-ერთ გამორჩეულ ადგილად არის მოხსენიებული.

### უკრაინაში სცადეს ჟურნალისტების დაკავება "ხელიგნობისთვის"

ჟურნალისტები ნატალია სოკოლენკო და ტატიანა ჩორნოვილი დააკავეს გზაზე გაკეთებული წარწერისთვის, რომელშიც პრეზიდენტ ვიქტორ იანუკოვიჩს მოუწოდებდნენ, ხელი არ მოეწერა ახალმიღებული სკანდალური კანონისთვის "რეგიონული ენების" შესახებ (ეს თემა კარგად არის ცნობილი "24 საათის" მკითხველისთვის). პრეზიდენტის ქალაქგარე რეზიდენციის "მეფიგორიეს" შესასვლელის წინ ტატიანა ჩორნოვილმა ერთმეტრიანი ასოებით დაწერა: "იანუკოვიჩ, ენა - შენი განაჩენია, ხელი არ მოაწერო!" მისი მეგობარი და კოლეგა ნატალია სოკოლენკო მას, უბრალოდ, თან ახლდა, როათა შემდეგ ეს ფაქტი გაეშუქებინა. ტატიანა ჩორნოვილი პოლიტიკაში ძალების მოსინჯვას ცდილობს და უკრაინის უმაღლეს რადაში იყრის კენჭს (შესაძლოა, იგი ვიარქსლავ და ტარას ჩორნოვილების ნათესავიც არის. გვარის გარდა, მათი ბიოგრაფიებიც ძალიან ჰგავს ერთმანეთს - ჟურნალისტიკა-პოლიტიკა). ნატალია სოკოლენკო აცხადებს, რომ ტატიანა ჩორნოვილისთვის პოლიციას უნდოდა ხელიგნობის ბრალდება მიეყენებინა, რაც ითვალისწინებს ჯარიმას ან 15 დღით ადმინისტრაციულ პატიმრობას. თუმცა სასამართლომ გაიზიარა ჩორნოვილის ვერსია. პროტესტანტი ჟურნალისტი ამტიკი-ცხედა, რომ მისთვის ამ მუხლის მიყენება კანონიერი არ იყო, რადგან მას არც უცენზურო სიტყვები გამოუყენებია და არც ამორალური ქმედება ჩაუდენია. საბოლოოდ სასამართლომ მის ქმედებაში დანაშაულის ნიშნები ვერ აღმოაჩინა.

### აფეთქებებს ბაღდადში, სულ მცირე, 17 ადამიანი ემსხვერპლა

ერაყის დედაქალაქის პოლიციის განცხადებით, გუშინ ბაღდადის ცენტრში დანაღმული მანქანების აფეთქებას 17 ადამიანი ემსხვერპლა. ერთ-ერთი აფეთქება, რომელსაც 7 პოლიციელი შეენირა, პოლიციის განყოფილებასთან მოხდა, მეორე კი - რამდენიმე წუთში ერაყის საპასპორტო სამსახურთან. აფეთქებების შედეგად, სულ მცირე, 110 ადამიანი დაშავდა, მათ შორის 21 პოლიციის თანამშრომელია. უსაფრთხოების ძალებმა ერთ-ერთი სავარაუდო ექსპლანტილი უკვე მოკლეს. აფეთქებები, როგორც აღნიშნავენ, სამმა პირმა განახორციელა.

# პანეტა: ასადის წასვლის შემდეგ სამხედროები თავის ადგილზე უნდა დარჩნენ

თამთა კახაძე

ამერიკის თავდაცვის მინისტრმა ლეონ პანეტამ განაცხადა, რომ მას სურს, ბაშარ ასადის ხელისუფლებიდან წასვლის დროს ქვეყნის სამხედროები საკუთარ ადგილზე დარჩნენ. "მე ვფიქრობ მნიშვნელოვანია ასადის წასვლის დროს ქვეყანაში სტაბილურობის შენარჩუნება. ამის საუკეთესო გზა კი არის სამხედროების, პოლიციისა, უსაფრთხოების ძალების ერთად თავმოყრა, რომლებიც მთავრობის დემოკრატიულ ფორმაზე გადასვლას შეუწყობენ ხელს. ეს უმნიშვნელოვანესია," - ეს პანეტამ "სინ-ენ-ენ"-თან ექსკლუზიურ ინტერვიუში განაცხადა.

მისი თქმით, ამერიკა არ დაუშვებს ჯორჯ ბუშის ადმინისტრაციის დროს ერაყში გადაღებული ნაბიჯის განმეორებას, როდესაც ქვეყნის სამხედროები დაითხოვეს. "მნიშვნელოვანია, რომ არ დაუშვავთ ისეთივე შეცდომა, როგორც ერაყში მოხდა. განსაკუთრებით იმ შემთხვევაში, როდესაც საქმე ქიმიურ ქარხნებს ეხება. სირიელი სამხედროები კარგად იცა-



ვენ ამ ადგილებს. მათ მოულოდნელად ეს ადგილები რომ დატოვონ, დიდი შანსია, ქიმიუ-

რი იარაღი არასწორ ხელში მოხვდეს, მაგალითად ჰეზბოლას ან სხვა ექსტრემისტური

დაჯგუფებების ხელში, რაც კატასტროფას გამოიწვევს," - აღნიშნავს პანეტა.

თავდაცვის მინისტრმა გარკვეული რჩევებიც მისცა სირიელ დიქტატორს: "ვიცი, გულის სიღრმეში ასადი კარგად ხედავს, რომ საქმეები ცუდად მისდის და მისი წასვლა მხოლოდ დროის საკითხია. მინდა გითხრა, რომ თუ შენ საკუთარი თავისა და ოჯახის დაცვა გინდა, უმჯობესია, ახლავე ნახვიდე," - ურჩევს პანეტა ასადს.

პანეტა ახლო აღმოსავლეთსა და ჩრდილოეთ აფრიკაში ერთკვირიან ტურნეს იწყებს. რეპორტიორებთან საუბრისას აღნიშნა, რომ სირიის თემას ის ყველგან შეეხება. "ამერიკამ და საერთაშორისო საზოგადოებამ ნათლად აჩვენეს, რომ ეს ყველაფერი მიუღებელია და დიპლომატიური და ეკონომიკური გზით ცდილობენ სირიაზე ზეწოლის განხორციელებას. ახლა მთავარია ამ ზეწოლის გაძლიერება, ოპოზიციის დახმარება და, როგორც შესაძლებელია, ლტოლვილებისთვის ჰუმანიტარული დახმარების აღმოჩენა," - დაამატა პენტაგონის შეფმა.

## ირანს დიალოგის განახლების იმედი აქვს

პირველი გვირგვინი

"დარწმუნებით თქმა არ შემიძლია, თუმცა თუ ყველაფერი ნორმალურად წარიმართა, მოლაპარაკებები გაგრძელდება. მოლაპარაკებების შეწყვეტა არავის ინტერესებშია. არსებული ნინააღმდეგობების დაძლევა მხოლოდ მოლაპარაკებების გზით არის შესაძლებელი," - აცხადებს ირანის პირველი დიპლომატი.

მინისტრმა აღნიშნა, რომ ირანის უფლება - გაამდიდროს ურანი - საერთაშორისო საზოგადოებაში უნდა აღიაროს, "ეს პრინციპის საქმეა," - აცხადებს სალემი. ირანი ირწმუნება, რომ მისი მიზანი ბირთვული იარაღის შექმნა არ არის და ურანის გამდიდ-

რებაზე მუშაობა მხოლოდ მშვიდობიანი მიზნებისათვის სჭირდება.

ისრაელს - ახლო აღმოსავლეთში, ფაქტობრივად, ერთადერთ ქვეყანას, რომელიც ბირთვულ იარაღს ფლობს, არაერთხელ უთქვამს, რომ დიპლომატიის მარცხის შემთხვევაში, ირანისგან მომდინარე საფრთხის გამო ამ ქვეყანაზე დარტყმას განახორციელებს.

სალემის განცხადებით, ირანს ორმუხის სრუტის გადაკეტვა არ სურს: "სპარსეთის ყურის სასიცოცხლოდ მნიშვნელოვანია ირანისთვის, რეგიონისთვის და მსოფლიოსათვის. ჩვენ რაციონალურად ვფიქრობთ. ჩვენ არ გვსურს ამ უმნიშვნელო-

ვანესი გზის გადაკეტვა და ზიანის მოტანა. თუმცა, თუ ჩვენ გვაიძულებენ, მაშინ ირანი იძულებული გახდება, საკუთარი სუვერენიტეტი და ეროვნული ინტერესები დაიცვას" - აცხადებს მინისტრი.

ამერიკის პრეზიდენტმა ბარაკ ობამამ კი გუშინ გამოაცხადა ირანის წინააღმდეგ ახალი სანქციების დაწესების შესახებ, რომლებიც ერაყისა და ჩინეთის ბანკების წინააღმდეგაც იქნება მიმართული.

ობამას განცხადებით, ჩინურმა ბანკმა "კუნლუნმა" და Elaf Islamic Bank-მა ერაყში, სანქციების მიუხედავად, ირანის ბანკებთან მილიონ დოლარზე მეტი ტრანზაქცია განახორციელეს.

"ამ ფინანსური ინსტიტუტების ამერიკიდან მოკვეთა ნიშნავს, რომ ჩვენ გამოვავაშკარავებთ ნებისმიერ ფინანსურ ინსტიტუტს, სადაც არ უნდა მდებარეობდნენ ისინი," - აღნიშნა პრეზიდენტმა.

ამერიკისა და ევროკავშირის მიერ დაწესებული სანქციების შემდეგ ირანის ნავთობის ექსპორტი მნიშვნელოვნად არის შემცირებული. როგორც აღნიშნავენ, სანქციებმა ირანის ეროვნული ვალუტის ღირებულება 28 პროცენტით გააუფასურა.

გუშინდელ განცხადებაში ამერიკის პრეზიდენტმა კიდევ ერთხელ აღნიშნა, რომ ამერიკა ირანის პრობლემის მოგვარების დიპლომატიურ მეთოდებს უჭერს მხარს.

## ამერიკის ყოველწლიური მოხსენება ტერორიზმის შესახებ

თამთა კახაძე

ამერიკის სახელმწიფო დეპარტამენტმა გამოაქვეყნა ყოველწლიური მოხსენება მთელ მსოფლიოში ტერორიზმის მდგომარეობის შესახებ. ანგარიშის თანახმად, მართალია, ნომერ პირველი ტერორისტის უსამა ბინ ლადენის და სხვა მთავარი პირების ლიკვიდაციის შემდეგ ტერორისტული დაჯგუფება "ალ კაიდა" შესუსტებულია, თუმცა მსგავსი დაჯგუფების გაერთიანება ახლო აღმოსავლეთსა და აფრიკაში ამერიკის უსაფრთხოებისთვის კვალავ სერიოზულ საფრთხეს წარმოადგენს.

"ალ კაიდას" მთავარი ცენტრის დასუსტების შემდეგ, ჩვენ

ვხედავთ, რომ მიმდინარეობს დაჯგუფების ერთმანეთთან შეერთება მსოფლიოს მასშტაბით.

"ალ კაიდასა" და "არაბული ნახევარკუნძულის ალ კაიდას" გაერთიანება განსაკუთრებით სერიოზულ საფრთხეს წარმოადგენს," - ნათქვამია მოხსენებაში.

მსოფლიოს მასშტაბით ტერორიზმის და ტერორისტული დაჯგუფებების მიმოხილვის შედეგად აღმოჩნდა, რომ გასულ წელს პაკისტანში უსამა ბინ ლადენის სიკვდილის შემდეგ დაჯგუფება შესამჩნევად დასუსტდა და მას ძველი სიძლიერის მიღწევა ძალიან გაუჭირდება. თუმცა, დოკუმენტში აღნიშნულია, რომ მიუხედავად ამისა, "ალ კაიდას" კვლავ შეუძლია ისეთი თავდასხმების განხორციელება, რომელიც შე-

საძლოა, აშშ-ს ეროვნულ უსაფრთხოებას სერიოზულად დაემუქროს.

ენ არაბული გაზაფხულის შემდეგ შექმნილი არასტაბილური გარემოს გამო "ახლო აღმოსავლეთის რეგიონი 2011 წელს ტერორისტული საქმიანობისთვის ყველაზე აქტიურ რეგიონად იქცა."

მოხსენებაში განსაკუთრებული ყურადღება გამახვილებული "არაბეთის ნახევარკუნძულის ალ კაიდაზე", რომელიც ბოლო პერიოდში სერიოზულ პრობლემებს ქმნის. გასულ წელს დაჯგუფება "იემენის სამხრეთ ნაწილზე დაამყარა კონტროლი და ქვეყანაში არაერთი თავდასხმა განახორციელა."

ამ დაჯგუფება 2009 წელს დეტროიტში სამგზავრო თვითმფ-

რინავში აფეთქების მცდელობა საკუთარ თავზე აიღო. ეს დაჯგუფება იდეა 2010 წელს კარტრიჯებში ჩადებული ასაფეთქებელი მონწილეობის ფუკან, რომელიც ჩიკაგოს სინაგოგაში უნდა მიეტანათ. პაკეტი დიდ ბრიტანეთსა და დუბაიში აღმოაჩინეს.

მოხსენებაში ჩრდილო და აღმოსავლეთ აფრიკაში ტერორისტების გაძლიერებაზეც არის საუბარი: "ალ-შაბაბი სამხრეთ და ცენტრალური სომალის დიდ ნაწილს აკონტროლებს." ქვეყნის მთავრობას კი მათი კონტროლი, ფაქტობრივად, არ შეუძლია.

მოხსენებაში ასევე აღნიშნულია, რომ ირანი "ტერორისტული საქმიანობის წამყვანი დამფინანსებელია მსოფლიოში."



# იაპონური კულტურის დღეები ბრძელდება

ნა ვაკაძე

2012 ქართული დიპლომატიური სამსახურისთვის საკმაოდ აქტიური აღმოჩნდა, რადგან ბევრ ქვეყანასთან სახელმწიფო დონეზე ურთიერთობის ოფიციალურად დაწყების იუბილე სწორედ წელს აღვნიშნეთ. დიპლომატიური ურთიერთობის 20 წლის იუბილე გვაქვს იაპონიასთანაც, რომლის საელჩომაც სხვა ქვეყნების წარმომადგენლობების მსგავსად მრავალფეროვანი სადღესასწაულო პროგრამა შემოგვთავაზა, პროგრამის კინონაწილი კი 3-5 აგვისტოს კინოთეატრ "რუსთაველში" გაიმართება. ფილმებს მეხუთე დარბაზში, ორიგინალ ენაზე, ქართული და ინგლისური სუბტიტრები აჩვენებენ.

იაპონიის საელჩო ამჯერად ორ მხატვრულ ფილმს წარმოგვადგენს და ორივე ფილმი ამ ქვეყნისთვის ძალიან მტკივნეულ თემას - 2011 წლის 11 მარტს მომხდარ მიწისძვრას პირდაპირ ან მხოლოდ ირიბად ეხმარება.

მასაპირის კობაიაშის 2010 წლის ფილმი "მოგზაურობა ჰარუსთან ერთად" მიაგის პრეფექტურაში გადა-

ლებული - სწორედ იქ, სადაც ერთი წლის შემდეგ ყველასთვის ცნობილი ტრაგედია დატრიალდა. ფილმის შინაარსი კი თითქოს წინასწარმეტყველებასავითაა და ცხოვრებისეული პრობლემებით დაძვინებული ადამიანების გამოუვალ მდგომარეობას აღწერს. მიწისძვრისა და ცუნამისთვის განწირული ქალაქის მაცხოვრებლებისთვის დრო დიდი ხნის წინ შეჩერდა, მისი მოსახლეობა კი უკანასკნელი ძალებით იბრძვის გადარჩენისთვის. კობაიაშის ფილმის მთავარი გმირი, მოხუცი მეთევზე ტადაო მთელ დღეებს წლების წინ გარდაცვლილ ქალიშვილზე მოგონებებში ატარებს, მისი ერთადერთი პატრონი კი შვილიშვილი ჰარუა. გოგონა სამსახურს კარგავს, რის გამოც იძულებულია, სხვა ქალაქში გაემგზავროს, მოხუცი ბაბუა კი სხვას დაუტოვოს მოსაველეად. მოხუცი შვილიშვილის სურვილს დაჰყვება და იმ ქალაქიდან შორს გაემგზავრება, სადაც ჯერ კიდევ ცხოვრობს მისი გარდაცვლილი შვილის სული, ხოლო სულ მალე იქაურობა უპატრონოთა სასაფლაოს დაემსგავსება.

მეორე ფილმი - "კვარტეტი!" წლებიდანვე პროდუქციაა. მისი ეკრანებზე გამოსვლა 2011 წელს იგე-



კადრი ფილმიდან "კვარტეტი".

მებოდა, მაგრამ რეჟისორ ჯუნიჩი მიმურას სწორედ შარშანდელმა მიწისძვრამ შეუშალა ხელი გადაღების დასრულებაში (თავად ფილმი კი მიწისძვრისგან განსაკუთრებით დაზარალებულ ქალაქ ურაუსუს ეძღვნება). ფილმის მთავარი პერსონაჟი სკოლის მოსწავლე გოგონა კაი ნა-

გაეა. ის მუსიკოსების ოჯახიდანაა, მაგრამ მისი მშობლები და უფროსი და დიდი ხანია ინსტრუმენტებს აღარ ეკარებინ, მეტიც, მათ ერთმანეთთანაც დაკარგული აქვთ კომუნიკაცია. გოგონა გადაწყვეტს, რომ დროა, ამ გაუცხოებას ბოლო მოელოს და ოჯახური კვარტეტის ჩამო-

ყალიბებას იწყებს. იაპონია-საქართველოს შორის დიპლომატიური ურთიერთობის 20 წლისადმი მიძღვნილი ღონისძიებები იაპონიის საელჩომ ჯერ კიდევ თებერვალში დაიწყო. "იაპონიის გაზაფხულის" პროგრამა 18 თებერვალს საბალეტო წარმოდგენამ გახსნა - ნინო ანანიაშვილმა იაპონელ ბალეტურმა მინობუ ტაკიტასთან ერთად იცეკვა, 11 მარტს კი საელჩოს ორგანიზებით მიწისძვრისადმი მიძღვნილი საბავშვო ნახატების გამოფენა გაიხსნა. ამ ნახატების ავტორები მიწისძვრის შედეგად დაზარალებული ბავშვები იყვნენ, რის გამოც გამოფენა განსაკუთრებით ემოციური გახლდათ. იმავე დღეს კონსერვატორიაში მევიოლინე კენ აისოს კონცერტიც გაიმართა, ხოლო ერთი დღით ადრე ტოკიოს მეტროპოლიტენის უნივერსიტეტის პროფესორ ჰიროტაკე მაცედას წიგნის "ქართველები საფავიდურ ირანში" პრეზენტაცია გაიმართა. იყო კიდევ ერთი კინოჩვენება - მარტის ბოლოს კინომოყვარულებმა სამი იაპონური ფილმი ნახეს: კინიტარო ნეგემის "რა მოაქვს თოვლს", ისამუ მაკავს "ამბავი ჩემზე, ჩემს ოჯახსა და ძალზე" და ცუტომუ შიბაიამას ანიმე "ცეროდენა მარუკო".

# არმაზციხე-ბაბინეთის მესწავლა-რეაბილიტაციის ახალი ეტაპი

კულტურული მემკვიდრეობის დაცვის ეროვნული სააგენტოსა და ამერიკის ელჩთა კულტურის დაცვის ფონდის (AFCP) თანადაფინანსებით არმაზციხის არქეოლოგიური სამუშაოები დასრულებულია. განხორციელებული პროექტის შედეგების მიზნით 31 ივლისს კულტურული მემკვიდრეობის დაცვის ეროვნული სააგენტოს გენერალური დირექტორი ნიკოლოზ ვაჩიშვილი, ამერიკის ელჩის მოვალეობის შემსრულებელი ბრიჯიტ ბრინკი და ეროვნული მუზეუმის გენერალური დირექტორი დავით ლორთქიფანიძე მცხეთაში - ბაგინეთის არქეოლოგიურ ძეგლზე დასრულებული სამუშაოები მოინახულეს.

ქართულ-ამერიკული პროექტის ფარგლებში ბაგინეთის არქეოლოგიური ზონა ნაყარი მიწისგან და მცენარეული საფარისგან მთლიანად გაიწმინდა, კონსერვაცია ჩაუტარდა სამეფო აბანოს, მარანსა და ქვის სარკოფაგს; დაცვითი ხის კიბეები დამონტაჟდა კლდეკარზე, წარმართულ ტაძარსა და მარანს შორის. ძეგლის ტერიტორიაზე განთავსდა საინფორმაციო დაფები და მოეწყო ბილიკები.

პროექტის პარალელურად კულტურული მემკვიდრეობის დაცვის ეროვნული სააგენტოს დაფინანსებით, ბაგინეთში განხორციელდა ყველა არქეოლოგიური ძეგლის - დედოფლის აბანოს, წარმართული

ტაძრის, ორსენაკიანი ნაგებობის, სვეტებიანი დარბაზის, ერთნაირი ეკლესიის კონსერვაცია. მოეწყო და დამონტაჟდა ინფრასტრუქტურის მთავარი ელემენტები - ჯისური, დასასვენებელი სკამები, სანაგვე ურნები და უსაფრთხოების მოაჯირები.

ამ დროისთვის კულტურული მემკვიდრეობის დაცვის ეროვნული სააგენტოსა და ეროვნული მუზეუმის მიერ ანტიკური ხანის სამეფო კომპლექსის კვლევითი არქეოლოგიური სამუშაო უკვე დასრულებულია. ახალი სამეცნიერო მონაცემებით, დაახლოებით 400 მ. მიწის ფართობზე გამოვლენილია ქვათილებით ნაგები სათავსოს ნაშთი, "ორსენაკიანი ნაგებობის" ჩრდილოეთით, აღმოჩენილია ქვის საფუძველზე ალიზით ნაგები და კრამიტით გადახურული ექვსი ცალკეული სახლი (II-III სს.) და ქვატეხილებით და ქვათილებით ნაგები ორი სახლი (IV-V სს.). ასევე გამოვლენილია II-III სს-ით დათარიღებული კერამიკული მასალა: სანელსაცხებლეს, ჩაფის, ხელადის ფრაგმენტები.

არქეოლოგიური-კვლევითი სამუშაოები დაფინანსდა კულტურული მემკვიდრეობის დაცვის ეროვნული სააგენტოს მიერ, სამუშაოს აწარმოებდა საქართველოს ეროვნული მუზეუმის არქეოლოგიური ცენტრი.

არმაზის ციხე ძვ.წ. IV-III სს. - ახ.



დავით ლორთქიფანიძე და ნიკოლოზ ვაჩიშვილი გათხრებთან

წ. IV-V სს. ნამოსახლარია. აქ გამოვლენილი მასალა მნიშვნელოვან ინფორმაციას გვანდის იმ დროინდელი ქართლის ძველი დედაქალაქის, მცხეთის სამეფო რეზიდენციის - არმაზციხის შესახებ. არმაზციხეზე პირველი არქეოლოგიური სამუშაოები 120 წლის წინ ილია ჭავჭავაძის ინიციატივითა და ექვთიმე თაყაიშვილის მონაწილეობით განხორციელდა. მაშინ აღმოჩნდა I საუკუნის პოლიქრომული ფერწერის ნაშთი - ფრესკის ნატეხი

ქალღვთაების გამოსახულებით, რაც ძალზედ იშვიათობაა ამ პერიოდისათვის.

მომდევნო წლებში ძეგლზე არქეოლოგიური სამუშაოები პერიოდულად მიმდინარეობდა. 1943-48 წწ. აკადემიკოსების სიმონ ჯანაშიასა და ანდრია აფაქიძის ხელმძღვანელობით გამოვლინდა სამეფო სასახლე - ე.წ. "სვეტებიანი დარბაზი", რომელიც ტაძრის აბანო, ზღუდე-გალავნისა და ოთხკუთხა კოშკების ნაწილები, ქვათილებით ნაგები

სამეფო აკლდამის ნაშთი და ერთიანი ქვისაგან გამოთლილი ორფერდა სახურავიანი სარკოფაგი, რომელიც შეიცავდა ოქრომჭედლობის (II-III სს.) უმდიდრეს ნიმუშებს.

1993-98 წლებში ძეგლზე აღმოჩნდა ახ.წ. პირველი საუკუნეების ტაძარი მარნითურთ, რომელიც ტიპის ორი აბანო, აუზი და ბერძნულ ენაზე შესრულებული ეპიგრაფიკული ძეგლები, რომლებიც ქართლის (იბერიის) სამეფო კარზე მიმდინარე სამშენებლო სამუშაოებზე მოგვითხრობს.

საქართველოს კულტურული მემკვიდრეობის დაცვის ეროვნული სააგენტოს ინიციატივით და დაფინანსებით საქართველოს ეროვნული მუზეუმი მიერ განხორციელებული ქვეყნის ერთ-ერთი უმნიშვნელოვანესი არქეოლოგიური ძეგლის კვლევითი სამუშაოების ამ ძეგლის შესწავლის ახალ ეტაპზე წარმომადგენელი ალსანიშნავია, რომ ამჟამინდელი კვლევების დროს 1998 წელს გამოვლენილი ტაძრისა და მარნის დასავლეთით აღმოჩნდა ქვათილებით ნაგები და როგორც ჩანს, კრამიტით დაბურული შენობები, სადაც დადასტურდა: მოზაიკური ფილები, კირსნარისგან დამზადებული პროფილირებული არქიტექტურული დეტალები, სავარძლის ბრინჯაოს მორთულობა, ბრინჯაოს სარკე, მოჭიქული და მოუჭიქავი თიხის ჭურჭლის ნაწილები და სხვა.

# დავით გურამიშვილის ხსოვნისათვის - მირგოროდში

4 აგვისტოს ქალაქ მირგოროდში დიდი ქართველი პოეტის დავით გურამიშვილის ხსოვნის 220 წლისთავისადმი მიძღვნილი ღონისძიებები გაიმართება. კულტურული ღონისძიება ეძღვნება პოეტის ხსოვნას, მის შემოქმედებას და მოღვაწეობას. დაგეგმილია: დავით გურამიშვილის სახელობის ლიტერატურულ-მემორიალური მუზეუმი გახსნას (უკრაინულ და ქართულ ენებზე); ქართველი ფოტოგრაფის შალვა ლონდარიძის ფოტოგამოფენა; სამოქალაქო პანაშვიდი დავით გურამიშვილის საფლავზე;

კონცერტი მირგოროდის ცენტრალურ მოედანზე 19 საათზე, რომელშიც ქართველი შემსრულებლები მიიღებენ მონაწილეობას.

ღონისძიების საპატიო სტუმრები საქართველოდან არიან საქართველოს სახელმწიფო პრემიის ლაურეატი ვაჟთა ფოლკლორული ანსამბლი "მარტვი" (ქ. თბილისი) და "ცოტნე დადიანის დარბაზის" გუნდი (ქ. ზუგდიდი).

ღონისძიებას დაესწრებიან: საქართველოსა და უკრაინის ხელისუფლებათა წარმომადგენლები, საქართველოს საგანგებო და სრულუფლებიანი ელჩი უკრაინაში

გრიგოლ ქათამაძე, საქართველოს ეროვნული ბიბლიოთეკის დირექტორი გიორგი კეკელიძე, უკრაინის ქართველთა ასოციაცია "იბერიელისა" და სრულიად უკრაინის საზოგადოებრივი გაერთიანება "გეორგიას" პრეზიდენტი ბესიკ შამუგია, ქართველი და უკრაინელი მწერლები, ქალაქ მირგოროდისა და პოლტავის რეგიონის ადგილობრივ ხელისუფლებათა წარმომადგენლები.

ღონისძიების ორგანიზატორებია: სრულიად უკრაინის საზოგადოებრივი გაერთიანება "გეორგია", ქალაქ მირგოროდის დავით



დავით გურამიშვილის მემორიალური მირგოროდში

გურამიშვილის ლიტერატურულ-მემორიალური მუზეუმი. მხარს უჭერს საქართველოს საელჩო უკრაინაში და საქართველოს კულტურისა და ძეგლთა დაცვის სამინისტრო.

პროექტის ორგანიზატორები არიან: ქალაქ მირგოროდის დავით გურამიშვილის ლიტერატურულ-მემორიალური მუზეუმი, სრულიად უკრაინის საზოგადოებრივი გაერთიანება "გეორგია". ღონისძიებები უკრაინაში ტარდება საქართველოს საელჩოსა და საქართველოს კულტურისა და ძეგლთა დაცვის სამინისტროს მხარდაჭერით.





pe-bet.com

# "ლონდონი 2012"-ს წარმოგიდგენთ

## დიდი იმედგაცრუება

ქანა ფარაჰვილი  
ლონდონიდან

ყველაზე დიდი იმედგაცრუება ქართველთათვის ძიუდოსტ ვარლამ ლიპარტელიანის (90 კგ.) დამარცხება იყო. ფალავანი, ვისგანაც ოქროს მედალსაც კი მოელოდნენ, მეორე წრეში სრულიად უცნობ ავსტრალიელ მარკ ენტონისთან დამარცხდა. ენტონი არაფრით გამოირჩევა. ის მომდევნო წრეშივე გამოეთიშა ასპარეზობას და მით უფრო გულდასაწყვეტია, რომ ვარლამი ასეთ მეტოქეს ვერ გაუმკლავდა.

უნდა ვაღიაროთ, რომ ვარლამმა ტურნირიც მძიმედ დაიწყო. მწვრთნელებიც, ძიუდოში ჩახედული სპეციალისტებიც გაკვირვებულნი დარჩნენ, თუ რატომ გამოიყურებოდა ლიპარტელიანი ასე ინერტულად. ქართული დელეგაციაც გაოგნებული იყო. ვისაც ლიპარტელიანის ჭიდაობა უნახავს, ერთხმად აღიარებს, რომ ის, ოქროსი თუ არა, ვერცხლის მედლის კანდიდატი ნამდვილად იყო. მასავით ჭკვიანურად და ეფექტურად მსოფლიოში ბევრი ვერ ჭიდაობს. თუმცა, ეს ძიუდოა და აქ ერთი მოდუნებაც კი კმარა კატასტროფისთვის.

საოცარია, მაგრამ უკვე მესამე ძიუდოსტი გამოეთიშა ასპარეზობას თავისსავე ილეთზე წამოგების გამო. ერთი მხრივ, ეს ნიშნავს, რომ ქართველები რისკავენ, ცდილობენ, შემოქმედებითი ძიუდო იჩიდაონ და მეტოქემ კი არ ნააგოს, არამედ თვითონ მოიგონ. ეს თვისება ქართული ძიუდოს სკოლის სადარბაზო ბარათია მსოფლიოში. მეორე მხრივ, ამ ტაქტიკას ხშირად უკუჩვენება მოჰყვება ხოლმე (მოჰყვება კიდევ სამჯერ), რადგან აზარტში შესულებს სიზუსტე ღალატობთ. ილეთის შესრულებისას საყრდენ ფეხს ზუსტ ნერტილში ვერ დგამენ და კონტრილეთზე წამოგებიან ხოლმე. ასე იყო შუკვანის, ჭრიკი-



ვილის და ახლა უკვე ლიპარტელიანის შემთხვევაში.

ვარლამმა ტურნირი მძიმედ დაიწყო. პირველ წრეში მას კამერუნელი დიუდონ დოლასემი შეხვდა. აფრიკელი ცდილობდა თავი დაეცვა და ქართველი ფალავნის შეცდომას ელოდებოდა. ვარლამმა ამ შემთხვევაში სწორი ტაქტიკით წარმართა ერთაბრძოლა. თავისი აქტიურობით მეტოქე აიძულა რამდენჯერმე გაეფრთხილებინათ და საბოლოოდ ამ გაფრთხილებებით ვაზარი გამოიმუშავა, რაც გამარჯვებისთვის საკვებით საკმარისი აღმოჩნდა.

მეორე წრეში ქართველს მარკ ენტონი დაუპირისპირდა. ისიც ზუსტად იმავე ყაიდის მოჭიდავე აღმოჩნდა, როგორც კამერუნელი იყო.

ავსტრალიელიც ელოდებოდა ლიპარტელიანის შეცდომას. ვარლამმა იგრძნო, რომ ავსტრალიელის დამარცხება შეეძლო და გარისკა. ლიპარტელიანი იუკოთი იგებდა, მაგრამ დროზე ადრე მოინდომა ბრძოლის დასრულება, ილეთი წამოიწყო და ველარ დაასრულა. ავსტრალიელმა ვარლამი კონტრილეთზე დაიჭირა და ვაზარი აართვა. დრო კიდევ იყო და, ბუნებრივია, რომ ლიპარტელიანი იერიშზე გადავიდა. გდებაც განახორციელა, მაგრამ მხოლოდ იუკო ჩაუთვალეს, რაც საკმარისი არ აღმოჩნდა და ლიპარტელიანი ოლიმპიურ თამაშებს დაემშვიდობა.

არ მინდა მსაჯების გაკრიტიკება, მაგრამ ვარლამის მეორე გდება შეიძლებოდა ვაზარად შეეფასებინათ.

სამწუხაროდ, მხოლოდ იუკო მისცეს, - ამბობს გიორგი ვაზაგამვილი, - გული დამწყდა. ვარლამი ყველანაირად კარგად იყო მომზადებული. მას მედალი უნდა აელო და ვერ გამოიგია, რატომ გარისკა ავსტრალიელთან შეხვედრაში. იუკოთი იგებდა და მოიგებდა კიდევ, რად უნდოდა გარისკვა?

**- ეს რისკი ვარლამის სტილიდან ამოვარდნილი იყო?**

- არა, ვარლამი ყოველთვის გამოირჩეოდა აგრესიული სტილით, მაგრამ ეს ოლიმპიური თამაშებია და აქ სიფრთხილე გმართებს. მით უფრო, როცა იგებ. არ იყო ამის აუცილებლობა. მაშინ უნდა გარისკო, როცა გჭირდება. ვარლამს ეს არ სჭირდებოდა.

**- კამერუნელის წინააღმდეგ ცოტა სხვანაირად მოქმედებდა ვერ განახორციელა.**

- მართალია, მაგრამ მეტოქე ხომ აიძულა გაფრთხილებები მიელო, რაც საბოლოოდ ვაზარში გადაიზარდა? ვარლამი კამერუნელთან პრაგმატულად მოქმედებდა. უბრალოდ, მეტოქე ფიზიკურად ძალიან ძლიერი იყო და ვარლამამაც აღარ გარისკა. ამან შედეგი მოუტანა. ავსტრალიელთანაც იმავე ტაქტიკით რომ ეჭიდავა, მშვიდად გავიდოდა მესამე წრეში. ავსტრალიელი ვერაფერს გააწყობდა. ის ვაზარიც არ იქნებოდა, მაგრამ რატომღაც იჩქარა.

**- ახლა დავგრჩა ორი სპორტსმენი - ლომერ ჟორჟოლიანი და ადამ ოქრუაშვილი. ჯერ ჟორჟოლიანის ჯერია. რას იტყვით, როგორი წილისყრა აქვს?**

- ვერ ვიტყვი, რომ ჟორჟოლიანს იოლი გზა აქვს გასავლელი. პირველ წრეში რუმინელ დანიელ ბრატას ხვდება და, ალბათ, ეს ბარიერი უნდა დაძლიოს, მაგრამ მეორე წრეში უკვე ყაზახ მსოფლიო ჩემპიონს, მაქსიმ რაკოვს გადაეყრება და ურთულესი ბრძოლა ელის. თუ ამ ბარიერსაც დაძლევს, მეოთხედფინალში კორეელ ჰი-ტაე ვანგთან ექნება საქმე. ასე რომ, რთული ბადე აქვს.

**- რაკოვს აქამდე არ შეხვედრია?**

- წელს შეხვდა მასტერსზე. სხვათა შორის, ტურნირი ყაზახეთში გაიმართა და ლომერმა ძალიან კარგი შთაბეჭდილება დატოვა. ბოლომდე ერთბოლად ტიტულოვან მეტოქეს და მხოლოდ გაფრთხილების გამო წააგო. ასე რომ, შანსი არსებობს. ვნახოთ. რაც შეეხება ადამ ოქრუაშვილს, მას უფრო რთულად აქვს საქმე. ის პირველივე წრეში ძლიერ გერმანელ ფალავანს, ანდრეას ტოლცერს ხვდება. თუმცა, იქნეს ისეთ ჟინზე იყოს, რომ ყველაფერი გამოუვიდეს...

## ლონდონში სიცარიელეს ებრძვიან

პირველი გვარდიდან

ამასობაში ცარიელი ტრიბუნებით შენუხებულმა ბრიტანელებმა, ბევრი იფიქრეს თუ ცოტა, მიზეზს მიაგნეს. ამბობენ, კორპორატიული ბილეთები ასე დაუფიქრებლად არ უნდა გაგვეცაო.

ორგანიზატორებისა და საერთაშორისო ოლიმპიური კომიტეტის მტკიცებით, ნახევრად ცარიელი ტრიბუნების წინ სპორტსმენტთა ასპარეზობების მიზეზი მართო ის არ არის, რომ

ოლიმპიური თამაშების სპონსორები არ იყენებენ მათთვის განკუთვნილ ბილეთებს. მათი თქმით, სპონსორებისთვის განკუთვნილი იყო ბილეთების საერთო რაოდენობის 8 პროცენტი. დამატებით 12 პროცენტი გადაეცა ეროვნულ ოლიმპიურ კომიტეტებს და 5 პროცენტი - "ოლიმპიური ოჯახის" წევრებს - საერთაშორისო ოლიმპიური კომიტეტის დიდმოხელეებსა და ჟურნალისტებს. ბილეთების 75 პროცენტი კი გულშემატკივრებსა და მყარებლებზე განაწილდა.

სოკ-ის წარმომადგენლის, მარკ ადამსის განცხადებით, ცარიელი

მედლების Top 10			
	I	II	III სულ
1. ჩინეთი.....	15	8	4 27
2. აშშ.....	10	8	8 26
3. საფრანგეთი.....	5	3	4 12
4. სამ. კორეა.....	5	2	3 10
5. ჩრდ. კორეა.....	4	0	1 5
6. გერმანია.....	3	7	2 12
7. იტალია.....	3	4	2 9
8. ყაზახეთი.....	3	0	0 3
9. რუსეთი.....	2	3	5 10
10. დიდი ბრიტანეთი.....	2	2	4 8
19. საქართველო.....	1	0	0 1

ტრიბუნები ყველა ამ ჯგუფის მიერ გამოუყენებელი ბილეთების დამსახურებაა.

ტრიბუნებზე სიხალავით იმედგაცრუებულია დიდი ბრიტანეთის პრემიერ-მინისტრი დევიდ კამერონიც.

ლორდ კოქს წინადადებით, კარგი იქნება, თუ ცარიელი ადგილების შესავსებად ბილეთები დაურიგდებათ ჯარისკაცებს, სტუდენტებსა და მასწავლებლებს.

ამ საკითხზე უფრო მეტს მაშინ

იმსჯელებენ, როდესაც ლონდონის XXX ოლიმპიური თამაშები ისტორიის საკუთრება გახდება და შემოსავალ-გასავალს დაითვლიან.

ჯერჯერობით კი ერთადერთი სანახაობა, სადაც ანშლაგი იყო, ეს

გახსნის საზეიმო ცერემონია, რომელსაც პირდაპირ ეთერში 80 ათასმა ადამიანმა მიადევნა თვალყური. არის რამდენიმე იშვიათი გამონაკლისი, როდესაც ტრიბუნა ივსება, მაგრამ წინასწარ განსაზღვრულ მაჩვენებელთან მოსატანი არ არის. ასეთი იშვიათობა იყო ცხენოსანთა გუნდური ასპარეზობა, როდესაც ინგლისის დედოფლის ელისაბედ მეორის შვილიშვილმა, ზარა ფილიპსმა 23 ათასი გულშემატკივრის წინაშე სამჭიდში ვერცხლის მედალი დაისაკუთრა და ოლიმპიურ სამეფოშიც შეაბიჯა.

დაბოლოს, რა ხათაბალაშიც გაეხვივნენ ორგანიზატორები, ამისთვის დამატებით ციფრებს მოვიშველიებთ.

აქამდე გაუყიდავია საფეხბურთო მატჩებზე დასასწრები დაახლოებით 200 ათასი ბილეთი და 100-120 ბილეთი სხვა შეჯიბრებებზე დასასწრებად. გარდა ამისა, ორგანიზატორებმა გადაწყვიტეს, გაყიდული ბილეთის პატრონის გამოუცხადებლობის ან დარბაზიდან გარკვეული დროით გასვლის შემთხვევაში, ბილეთი ხელმეორედ გაყიდონ.





# "ლონდონი 2012"-ს წარმოგებენ

## ოლიმპიადას მასპინძლობენ და წახან ამაზა

ბიზა გარასაპილი  
ლონდონიდან

Financial Times ლონდონის ოლიმპიური თამაშების შესაძლო ეკონომიკურ შედეგებზე წუხს. გავლენიანი ფინანსური გაზეთის შეფასებით, ოლიმპიური დედაქალაქი არიდას ჰგავს. ქალაქის ცენტრალური ქუჩებიც კი ცარიელია, რადგან ბევრი ლონდონელი, ტურისტების მოზღვავეების შიშით, მალაზიებში, თეატრებსა და მუზეუმებში სიარულისგან თავს იკავებს. ეკონომისტთა დათვლებით, თამაშებმა დაახლოებით 100 ათასი უცხოელი ტურისტი მიიზიდა. ეს მაშინ, როდესაც წლის ამ მონაკვეთში ლონდონს საშუალოდ 300 ათასი ტურისტი სტუმრობს.

ამგვარი სიხალვითი ყველაზე მეტად ზარალდება უესტ-ენდის კომერციული თეატრები, რომელთა შემოსავლის ძირითად წყაროს პროვინციებიდან ჩამოსულები კვება-

ვენ. მათი რიცხვი კი ოლიმპიური თამაშების მსვლელობისას ჩვეულებრივზე ნაკლებია.

განსაკუთრებული აჟიოტაჟი არ შეიმჩნევა ლონდონის სასტუმროებში. არაერთმა სასტუმრომ კლიენტთა მოსაზიდად ფასებიც დააგდო. ლონდონის მეტროს დატვირთვა კი სულ რაღაც 4 პროცენტით გაიზარდა. გავლენიანი ფინანსური გაზეთის აზრით, ეს ყველაფერი საეჭვოს ხდის ქალაქის ხელისუფალთა დანაპირებს, რომლის მიხედვით, ლონდონის ოლიმპიური თამაშები უმოკლეს ვალებში დედაქალაქის ეკონომიკის ბუმს გამოიწვევს.

"ფაინენშელ თაიმსისგან" განსხვავებით, Independent ოლიმპიადის მიმართ ბრიტანელთა დამოკიდებულებაში რაღაც დადებითსაც ხედავს. ამ გაზეთის მიერ ჩატარებული გამოკითხვის თანახმად (გამოკითხეს ათასზე მეტი რესპონდენტი), ბრიტანელთა დამოკიდებულება ოლიმპიური თამაშებისადმი მას



შემდეგ შეიცვალა უკეთესობისკენ, რაც ოსკაროსანი რეჟისორის, დენი ბოილის სცენარით დადგმული თამაშების გახსნის საზეიმო ცერემონია იხილეს. თუმცა, კონსერვატიული პარტიის მომხრეები, ლეიბორისტული შეხედულებების მქონე მოქალაქეებისგან განსხვავებით,

ნაკლებად უჭერენ მხარს ოლიმპიურ თამაშებს. იგივე გაზეთი აქვეყნებს რეპორტაჟს ოლიმპიური სტადიონიდან, სადაც ახლა ოლიმპიური თამაშების გახსნის საზეიმო ცერემონიისთვის განკუთვნილი დეკორაციის დემონტაჟი მიმდინარეობს. დემონტაჟისთვის კი იყენებენ იტალიაში შექმნილ საგანგებოდ შემუშავებულ უნიკალურ ტექნიკას, რომელსაც რეკორდულ ვალებში მინის დიდი მოცულობის დამუშავება და სტადიონის სარბენი ბილიკების განმწმობა შეუძლია. იდეალურად სწორი ზედაპირის გარეშე კი მძლეოსანთა ასპარეზობების ჩატარება შეუძლებელია. სპორტის დელოფალი" ოლიმპიურ სტადიონზე პარასკევს შებენადედა, ხვალ კი იმავე სტადიონზე ერთგვარი ტექნიკური რეპეტიცია ჩატარდება რეალური სპორტსმენების მონაწილეობით. გუმინ შემონმდა კონტროლის სისტემა, მათ შორის, დოპინგ-კონტროლის.

## მილიონარი ოლიმპიელები

როდესაც ოლიმპიურ თამაშებსა და ოლიმპიელებზე ვსაუბრობთ, უმეტესობას თვალწინ წარმოუდგება ახალგაზრდა ქალი ან მამაკაცი, რომელიც ბევრს შრომობს, რათა დასახულ მიზანს მიაღწიოს. სიტყვა "ოლიმპიელი" არასდროს ასოცირდება მილიონერთან. ოლიმპიურ თამაშებზე ფულის მოსაგებად არავინ მიდის, მაგრამ გამარჯვების შემდეგ ჩემპიონები საგრძობლად იუმჯობესებენ ფინანსურ მდგომარეობას. თუმცა, არიან ოლიმპიელები, რომლებიც მილიონერის სტატუსით ჩადიან ოლიმპიადამდე. დღეს ვისაუბრებთ ლონდონის ოლიმპიური თამაშების 9 მონაწილეზე, რომლებმაც გასული ერთი წლის განმავლობაში ყველაზე მეტი თანხა იშოვეს. ცხადია, ეს სია ძირითადად კალათბურთელებსა და ჩოგბურთელებს მოიცავს. გამონაკლისი მხოლოდ უსაინ ბოლტია.

**9. კარის პოლი (19.2 მილიონი, აშშ, კალათბურთი)**  
"კლიპერსის" მცველი NBA-ს ერთ-ერთი წარმომადგენელია, რომელიც ამ სიაში შევიდა. ტოპ ცხრიანში ის ბოლო ადგილს იკავებს. საერთოდ, ბოლო ადგილზე გასვლა მაინცდამაინც სასიამოვნო არ უნდა იყოს, თუმცა, თუ გათვალისწინებთ, რომ საუბარია ოლიმპიური თამაშების უმდიდრეს სპორტსმენებზე, მცხრე ადგილი ურიგო არ არის.

**8. ნოვაკ ჯოკოვიჩი (19.8 მილიონი, სერბეთი, ჩოგბურთი)**  
სერბი ვარსკვლავი პირველი ჩოგბურთელია, რომელსაც ამ სიაში წარმოგიდგენთ, მაგრამ არა პირველი უმდიდრესი. ერთი წლის განმავლობაში მისი ანგარიში სულ რაღაც 19.8 მილიონ დოლარით გაიზარდა.

**7. უსაინ ბოლტი (20.3 მილიონი, იამაიკა, მძლეოსნობა)**  
სამგზის ოლიმპიური ჩემპიონი უსაინ ბოლტი ერთადერთია უმდიდრესთა სიაში, რომელიც, ასე ვთქვათ, "რეალური" ოლიმპიური სახეობის წარმომადგენელია. 2008 წელს მოგებული პეკინის ოლიმპიური თამაშების შემდეგ უსაინს ფინანსური აღმასვლა დაეწყო. არაერთი სარეკლამო კონტრაქტის წყალობით, მისმა შემოსავალმა უკანასკნელი ერთი წლის განმავლობაში 20.3 მილიონ დოლარს მიაღწია.

**6. კარმელო ანტონი (22.9 მილიონი, აშშ, კალათბურთი)**  
"მელო" ამ სიაში მხოლოდ მეექვსე ადგილზეა. "ნიქსის" ვარსკვლავი, შესაძლოა, უფრო მაღალ საფეხურზეც აღმოჩენილიყო, თავის დროზე მიხაილ პროხოროვის "ნიუ ჯერსისთან" რომ გაეფორმებინა კონტრაქტი, თუმცა, სეზონში 22.9 მილიონი დოლარის მიღებაც არ უნდა იყოს ურიგო. ასე რომ, ორი კვირა უფასოდ თამაში მას არ უნდა გაუჭირდეს.

**5. კევინ ლუანგი (25.5 მილიონი, აშშ, კალათბურთი)**  
NBA-ს კიდევ ერთი ვარსკვლავი. მისი წყალობით "ოკლაჰომა" NBA-ს ფინალშიც კი გავიდა, მაგრამ იქ "მაიამისთან" დამარცხდა. საკარაუდოდ, ოლიმპიური თამაშები კევინისთვის უფრო წარმატებული უნდა გამოდგეს, თუმცა, მის ფინანსურ მდგომარეობაზე ეს არავითარ გავლენას არ მოახდენს.

**4. მარია შარაპოვა (27.1 მილიონი, რუსეთი, ჩოგბურთი)**  
ერთადერთი ქალი ამ სიაში. მარია ყველაზე მდიდარი ქალია ოლიმპიურ თამაშებზე. გასული წლის განმავლობაში რუსმა ლამაზმანმა 27 მილიონ დოლარზე მეტი იშოვა.



ნოვაკ დევიჩიჩი

**3. კოზი ბრაიანტი (52.3 მილიონი, აშშ, კალათბურთი)**  
ალბათ წარმოუდგენელია, რომ აშშ-ის ნაკრები და კობი სამბოლოში ოქროს მედლის გარეშე დაბრუნდნენ, თუმცა, თუ ეს საოცრება მოხდა, 52 მილიონი, რომელიც ბრაიანტმა გასული ერთი სეზონის განმავლობაში მიიღო, მას ამ წარუმატებლობის გადატანაში დაეხმარება.

**2. ლეპრონ ჯაიმსი (53 მილიონი, აშშ, კალათბურთი)**  
ლეპრონს მაიკლ ჯორდანს ადარებენ, თუმცა, ჯორდანამდე ბევრი უკლია. სამაგიეროდ, ერთი სეზონის განმავლობაში ისეთი შემოსავალი მიიღო, რომ ოლიმპიურ თამაშებზე ჩასული სპორტსმენების დიდ ნაწილს არც დაესიზმრება.

**1. როჯერ ფედერერი (54.3 მილიონი, შვეიცარია, ჩოგბურთი)**  
უკანასკნელი 12 თვის განმავლობაში ჩოგბურთის შვეიცარიელმა დიდოსტატმა 54 მილიონ დოლარზე მეტი მიიღო. ცხადია, ეს ფული მხოლოდ უიმბლდონის მოგებით არ დაგროვდა. როჯერს უამრავი სარეკლამო კონტრაქტი აქვს. ოლიმპიური ოქრო ამ კონტრაქტების რაოდენობას დიდად არ გაზრდის, თუმცა, ახლა ფედერერი კონტრაქტებისთვის კი არა, მედლისთვის იბრძვის.

## სერენამ აკრიფა



სერენა უილიამსი არარეალურ ფორმაშია

### ალექსანდრა ასათიანი

სერენა უილიამსმა ვერა ზვონარევის თავი დაუქნია, რუსს მოთელვის დროს გადავარდნილი ბურთი მიანოდა და მერე შეუბრუნა. ამერიკელმა ისეირნა, ბალახზე სწრაფი აგრესიით დაშალა რუსი და 6:1, 6:0 დასვა. სერენამ გემოვნებით, კლასით, უკეთესი მოტივაციით და კიდევ ბევრი სხვა ნიუანსით შეუსრულა პატარა ვერას. ზვონარევა კარგია. სერენა - უილიამსი. რუსის შემდეგ უკვე მეოთხედგინალია.

სერენა ტუნისის მეოთხე ნომერია. სიმბოლური თემაა. უილიამსმა ზვონარევის ცუდად მოუგო. ამერიკელი ტერმინატორი იყო, ვერა - დაჭრილი სარა კონორი, ვადარჩენის პერსპექტივის გარეშე. ზვონარევა აიღო ერთი გეიმი და ვერა თამაშის დაწყებამდე ზედმეტი იყო. ამ უილიამსთან ყველა ზედმეტი. სერენა დღეს არარეალურად თამაშობს.

სეანსი 51 წუთში დამთავრდა. ცენტრალურ კორტზე ლეგენდა და კარგი რუსი გავიდნენ. ცენტრალურ კორტზე ცუდი რუსი დარჩა. კარგი

ამერიკელი კლინტ ისტუვდივით გამომწვევად სეირნობს ოლიმპიურ ტერასაზე და კიდევ ერთი ტესტისთვის ემზადება.

ზვონარევა კარგი გოგოა. პირველ სამეულში იჯდა, პირველი ათეულის მრავალწლიანი ვიზა ჰქონდა აღებული. ზვონარევა ჩოგბურთში პოპულარული პერსონაჟია და ვერა სერენასთან მაგრად გაილახა. სხვა დონეა. ხდება ხოლმე. და ეს ნორმალურია. ვერა წინა ოლიმპიადამდე მესამეზე გადის და რუსეთის ოლიმპიურ ყულაბაში ერთ მედალს უშვებს. მაშინ ერთეულებში ელენა დემენტიევა გახდა ჩემპიონი. საინტერესო ტურნირი იყო. რეალურად კარგი.

სერენა ოლიმპიადამდე ორჯერ (2000, 2008) იღებს ოსკარს. ორჯერვე წყვილებში. დაიკოსთან, ვენუსთან ერთად. თუ უილიამსი ერთეულების გარეშე მოიგებს, სერენა შტეფი გრაფის რეკორდს გაიმეორებს. შტეფის დიდი სლემის ყველა ტურნირი და ოლიმპიადის ერთეულების მედალი აქვს აღებული.

შემდეგ წრეში სერენა კაროლინ ვოზნიაციუს ან დანიელა ჰანტუხოვას გატესტავს.



# მარკ როსეს ოლიმპიადა

## ზურაბ თალაქაძე

ბარსელონაში ლარი ბერდი ისევე ნებდა, ჯენიფერ კაპრიატი სხვისი კანისგან მარაოს იკერავდა, ესპანეთი კალათბურთის როლინგებზე დადიოდა და ოლიმპიადა დაგვამახსოვრდა. უფრო სწორად, ვინც უყურა, იმას უთუოდ დაამახსოვრდა. იქვე რალაც სხვა პატარა მულამები იყო და ესპანური ამბები დღესაც კარგი გასახსენებელია. იქვე, ბარსელონაში, მარკ როსემ ოქროს მედალი მოიპარა. მაღალი ბიჭი იგებს ოლიმპიადას და როსემ ბევრი ფაფორიტი გადახსნა. მარკ როსემ შვეიცარიას ოლიმპიური ოქრო აჩუქა. მარკი ახსოვს როჯერ ფედერერს. მარკი ჩვენც გვახსოვს.

გრუნტზე სერიოზული ბანდა ჩავიდა. პირველ თექვსმეტ განთესილში იყვნენ - 1. ბეისბოლისტი და შეთავსებით ჩოგბურთელი ჯიმ კურიე; 2. ელეგანტური შვედი სტეფან ედბერგი; 3. ტრანსფორმირი პიტ სამპრასი; 4. ხორვატი ძველი ბიჭი გორან ივანიშვიტი; 5. ლიფტში სექსზე სადოქტოროს ავტორი ბორის ბეკერი; 6. პატარა ონავარი მაიკლ ჩანგი; 7. პიერ კარდენის მოდელი გი ფორჟე; 8. ჩემი ფავორიტი მიხაელ შტიხი; 9. ჭორფლიანი სამხრეთაფრიკელი უეინ ფერერია; 10. ავსტრიელი კულტურისტი ტომას მუსტერი; 11. ესპანელი მუსტერი, სერხი ბრუგერა; 12. გრუნტზე გრუნტით გაცვეთილი ემილიო სანჩესი; 13. რუსი ანდრეი ჩერკასოვი; 14. მისტერ შალომი, ამოს მანსდორფი; 15. იაკობ პლანკი შვეიცარიიდან; 16. ლოკალური ტიპი ხორდი არეზე. როსე განთესილებში არ ზის და მარკმა თავისი მარკეტინგის კანის ნაფიცებები ჩამოყარა. დენი ტრეხო ისვენებს. ბარსელონაში როსეს 201 სანტიმეტრი პოპულარული იყო.

როსე პირველ წრეში ზარმაც მაროკოელ ქარამ ალაამიზე გადის. მარკი იღებს პირველ სეტს 6:2, ტოვებს მეორეს 4:6. მესამე სეტში ალაამი აიღენა და როსეს მეორე წრის ვიზა

ჩაურტყეს. მარკმა პროცესში მარჯვენა მარჯა იტყინა. დაეცა, გრუნტში ცხვირით დაერჭო. ცუდი იყო. როსემ სეტ-ნახევარში ოცი ეისი დაუშვა. **Game, set, matchRosset.**

მეორე წრე - უეინ ფერერია ნელ კორტზე ნელია. უეინ ფერერია სწრაფ კორტზეც ნელია და ნელსონ მანდელას ფაფორიტი პიტ სამპრასს ყველა კორტზე უგებდა. მარკთან ფოკუსი არ გავიდა. როსემ უეინი მუხლებზე დააყენა და ტურნებში სველი პირსახოცი ურტყა. 6:4, 6:0, 6:2.

მესამე წრე - რეიტინგის პირველი ნომერი, როლან გაროს ბოსი, ჩოგბურთის ბარი ბონდსი, მისტერ ჯიმ კურიე. როსეს არ მოეწონა, რომ კურიესავე ჟღალი ნვერი და თმა ჰქონდა. როსეს არ მოეწონა, რომ კურიემ ბრეიკი გაუკეთა. როსემ პირველი ნომერი 6:4, 6:2, 6:1 გალახა.

მეოთხედფინალში მოდის ემილიო სანჩესი. დღეს სანჩესის თამაშს ნიკოლას ალმაგრო თამაშობს. მოძრავი, ცოტა ერთფეროვანი, ბულტერიერის სიჯიუტით და ხავერდ ბარდემის თვალებით. როსემ სანჩესს თვალბეჭდით არ შეხედა, თავისუფლად დაიწყო და დალილ ესპანელს ოთხ საათში გაროტა ნაუჭირა. როსემ ოქმში 6:4, 7:6 (2), 3:6, 7:6 (9) დატოვა.

ოთხთა ფინალი. მარკი, გორან ივანიშვიტი, ხორდი არეზე და ანდრეი ჩერკასოვი. ცოტა ჭრელი, ცოტა მოულოდნელი პერსონაჟები. ნახევარფინალი ბრუგერას, მუსტერის, კურიეს, ბეკერის, სამპრასის, შტიხის, ნახევარფინალი ფავორიტების გარეშე. როსე გორანზე გადის. მაღალი (როსეს 201 და გორანის 193 სანტიმეტრი) და კომპაქტური (არეზე 175 და ჩერკასოვის 180) გარჩევები. როსემ გორანთან 6:3, 7:5, 6:2 გაატყა. არეზემ ჩერკასოვს 6:4, 7:6 (4), 3:6, 6:3 გაუკეთა. გაუგებარ ფინალში ორი გაუგებარი ექსპონატი შევიდა. ბაჯბაჯა როსე და სპაიდერმენის კომიქსების ფანი, სენიორ არეზე.

როსემ ფინალში ბრეიქებით დაუჭრა. პირველ ორ სეტში მარკი სო-



ოლიმპიური ჩემპიონი მარკ როსე

ლირებს, გრუნტზე გრუნტის კაცს აწვენს და სახეში სმეშებს უშვებს. არეზეს სახე გადაეხსნა, ხორდის სისხლით გრუნტი უფრო სწრაფი გახდა და როსემ აკრიფა. სწრაფ გრუნტზე როსეც უფრო სწრაფი, ცუდი ბიჭი გახდა. არეზე მზის გამოსვლას ელოდებოდა. მზე სისხლს დააშრობს, კორტი ისევე ნელი გახდება და ხორდის შანსი აქვს. მზე გამოდის და არეზე ნავახას ხსნის. პირველი ორი სეტი მარკმა 7:6 (2), 6:4 აიღო. არეზემ "დავი" თქვა და გაადავა - 6:3, 6:4. ბოლო, მეხუთე სეტზე, როსეს ავტოგრაფი რჩება, 8:6. გასაუბრება დამთავრდა. როსე ოლიმპიური ჩემპიონია. ეს ადრე იყო. მარკ როსეს ნორმალური კარიერა ჰქონდა.

ჰლასეკთან ერთად მარკმა იმ სეზონში მოხსნა ჯეკობოტი როლან გაროზე. შვეიცარია გადის ფინალში და ფინალს იგებს. როსეს აგრესიით და ჰლასეკის ინტელექტით შვეიცარიამ დევიდ ადამსის და ანდრეი ოლხოვის წყვილს ყური სამ სეტში (7:6, 6:7, 7:5) აუნია. იმ სეზონში შვეიცარია

ინერციით და როსეს ეისებით დევისის თასის ფინალამდე მიდის. იქ ამერიკამ ამერიკულად შეუბერა და როლესის ბანდა დაასვენა. როსემ ხუთ სეტში კურიეს შემოარტყა. შვეიცარიას ის არ იყო. როსემ კარგი სეზონი 42 მოგებით, 27 ნაგებით და რეიტინგში ოცდამეხუთემეტე ადგილით დახურა. მარკმა ამერიკელებთან ფინალამდე მოსკოვში კრემლის თასი ააგდო. ფინალში როსემ კარლ-უევე შტეინს მხოლოდ 4 ეისი დაუშვა და მაინც მშვიდად 6:2, 6:2 დასვა.

დიდი ხნის მერე მარკმა დევისის თასზე ბლოკბასტერში ქსთინგი გაიარა და არნო კლემანთან მეხუთე სეტი 13:15 წააგო. საშინელი თამაში იყო. 346 წუთში ფრანგმა ფლეში გაშალა. როსემ იმ სეზონში პირველი ასეულის ვიზა დაკარგა და ჩელენჯერებზე ისვენებდა.

როსემ როჯერ ფედერერთან ოთხჯერ ითამაშა. 2000 წელს მარსელის ფინალი მარკმა 2:6, 6:3, 7:6 (5) აიღო. შემდეგი VSლონდონში, მეოთხედფინალში. ეკლერი ისევე

როსეს დარჩა - 3:6, 6:4, 6:4. შემდეგი ორი ტესტი ფედერერმა ჩააბარა - 2001, სიდნეი, 6:1, 6:2 და 2003, ბაზელი, 6:1, 6:3.

მარკი მაღალი ბიჭი, ერუდირებული პერსონა და კარგი მეგობარი იყო. მეგობრობს ირაკლი ლაბაძესთან, მანსურ ბაჰრამისთან. მეგობრობდა ბორის ელცინთან. როსემ კარიერა ერთეულებში მოგებული 15 ფინალით დახურა. რესპექტაბელურია.

მარკი ერთხელ ერთეულებში მეცხრე იყო. რესპექტაბელურია. როსე წყვილებში ერთხელ მერვე იყო. მოგებული აქვს ფინალი ზალახზე, გრუნტზე, ჰარდსა და ხალიჩაზე. როსე ორმეტრიანი უნივერსალი და კარგი მეგობარია. მარკმა კორტზე თითქმის შვიდი მილიონი დოლარი დაირტყა. ჯიბის ფული.

როსე 14 წლის წინ ვინრო ბილიკზე დააყენეს. მერე ვილაცას მარკი არ მოეწონა და იმ ბილიკზე სხვა დადგა. იმ ბილიკიდან იყო რეისი SwissairFlight 111. თვითმფრინავი ატლანტიკის ოკეანეში ჩაეგარდა. მგზავრები ოკეანეში დაიბრუნა. მარკი გადარჩა.

1992. ოლიმპიადაზე, ბარსელონაში, ლარი ბერდი ისვენებდა, კოლუმბის მონუმენტიდან ბარსელონას უყურებდა. ჯენიფერ კაპრიატი სხვისი კანისგან მარაოს იკერავდა და ჯენი ოლიმპიური ჩემპიონი გახდა - ფინალში შტეფი გრაფიდაამარცხა. მთელი ესპანეთი კალათბურთის როლინგებზე დადიოდა და ოლიმპიადა დაგვამახსოვრდა. უფრო სწორად, ვინც უყურა, იმას უთუოდ დაამახსოვრდა. იქვე რალაც სხვა პატარა მულამები იყო და ესპანური ამბები დღესაც კარგი გასახსენებელია. იქვე, ბარსელონაში, მარკ როსემ ოქროს მედალი მოიპარა. მაღალი ბიჭი იგებს ოლიმპიადას და როსემ ბევრი ფაფორიტი გადახსნა. მარკ როსემ შვეიცარიას ოლიმპიური ოქრო აჩუქა. მარკი ახსოვს როჯერ ფედერერს. მარკი ჩვენც გვახსოვს.

# ნაცნობი კვიპროსელები და ქაცხაიას რჩევები

## სოსო კობრონიძე

სპორტის ქართველ გულშემატკივართა ყურადღება ლონდონის ოლიმპიური თამაშებისკენ კია მიყვრობილი, მაგრამ ევროთასებს შემორჩენილი ერთადერთი ქართული გუნდის, გორის "დილას" დღეს გასამართ მატჩს, ცხადია, ინტერესი არ მოაკლდება. შეგახსენებთ, რომ გორელები "მიხეილ მესხის" სტადიონზე ევროპის ლიგის მესამე საკვალიფიკაციო ეტაპის პირველ მატჩში კვიპროსულ "ანორთოსისს" უმასპინძლებენ.

დანიურ "ორჰუსთან" გამარჯვების შემდეგ თემურ შალამბერიძემ ფეხბურთელები ერთი დღით დაასვენა, მერე საგურამოს ბაზაზე ორჯერ ავარჯიშა, საიდანაც "დილამ" საქართველოს ნაკრების ბაზაზე გადაინაცვლა, დღეს საღამოს კი "მიხეილ მესხზე" ივარჯიშა.

კვიპროსის "ანორთოსისი" დღეს დილით ჩამოფრინდა თბილისში. ფამაგუსტელთა ებრაელმა მწვრთნელმა რონი ლევიმ მატჩისთვის 19 ფეხბურთელი ჩამოიყვანა.

**მეკარეები:** ბლაჟიჩი, მასტროუ, კონსტანტინუ;

**მცველები:** ილიჩი, ანდრიჩი, პაულუ ჟორჟე, კოლინი, ბონავენტურა სიელისი;

**ნახევარმცველები:** სპადარიო, ალექსა, ლაბორდე, ლაბანი, ოპაიონი;

**თავდამსხმელები:** კალვო, რეზეკი, რონკატო, იულა, ოკასი.

"ანორთოსისი" დანაკლისის გარეშეა, გუნდს ყველა უძლიერესი ფეხბურთელი თბილისში ჰყავს.

"ანორთოსისი" ჩვენთვის ნაცნო-

ბი კლუბია, შარშან "გაგრა" გამოთიშა ევროპის ლიგის II საკვალიფიკაციოდან, როცა ლარნაკაში 3:0 სძლია, საქართველოში კი 0:2 წააგო.

"ანორთოსისი" ფამაგუსტელს გუნდია, მაგრამ საშინაო მუსხედრებს ლარნაკაში, "ანტონის პაპადოპულოსზე" ატარებს. ფამაგუსტა კვიპროსის იმ რეგიონშია, სადაც თურქული სექტორია. ხშირად ამ კლუბს "ლტოლელებს" უწოდებენ, თუმცა, უფრო მჭექარე მეტსახელიც აქვთ - "იუვენტუსის" მსგავსად, ხშირად "ბებერ ქალბატონად" მოიხსენიებენ.

თემურ ქეცბაია - კაცი, რომელიც აუცილებლად უნდა ახსენო, როცა "ანორთოსისზე" წერ. საქართველოს ნაკრების ამჟამინდელი თავკაცი "ანორთოსისის" ყველა დროის საუკეთესო ფეხბურთელი და რჩეული მწვრთნელია. სწორედ მისი თავკაცობისას მიაღწია "ანორთოსისმა" მანამდე არნახულ შედეგს: ჩემპიონთა ლიგის ჯგუფურ ეტაპზე გავიდა.

"ანორთოსისი" კვიპროსის 13-გზის ჩემპიონია, 10-ჯერ მოუგია თასი, სუპერთასი კი - 7-ჯერ. ბოლო ტიტული 2008 წელს მოიპოვა: ქეცბაიას მწვრთნელობისას ჩემპიონი გახდა. მას შემდეგ ფამაგუსტელები სულ ლიდერებს შორის ტრიალეებზე, თუმცა... გასულ სეზონში გუნდმა მე-4 ადგილი დაიკავა ჩემპიონატში.

აქვე ვთქვათ გიორგი ქინქლაძეზე, რომელიც 9 თვის განმავლობაში გახლდათ "ანორთოსისის" სპორტული დირექტორი. მასთან მისი ორმხრივი შეთანხმებით განყდა ხელშეკრულება.

როგორია დღევანდელი "ანორთოსისი"? როგორც უკვე ვთქვით, გუნდს წვრთნის ებრაელი რონი ლევი, რომელმაც შარშან სექტემბერში



კვიპროსელები მათ ვანაძეს უფრთხიან

შეცვალა ბულგარელი სტანიმირ სტოილოვი. "ანორთოსისმა" ევროპის ლიგის II საკვალიფიკაციო ეტაპზე იოლად სძლია ესტონურ "ლევალიას".

"ანორთოსისი" საკმაოდ "შეფერადებული" გუნდია. ამ დროისთვის 14 ლეგიონერი ჰყავთ. რაც შეეხება ოპტიმალურ სასტარტო შემადგენლობას, მასში მხოლოდ ერთი კვიპროსელია - 35 წლის იოანის ოკასი, რომელიც გუნდის კაპიტანიც გახლავთ. ოკასს საბერძნეთის საუკეთესო კლუბებში, ასევე ესპანურ "სელტამიც" უთამაშია.

გუნდის ვარსკვლავია კოლუმბიელი შემტევი ნახევარმცველი რიკარდო ლაბორდე. 24 წლისაა და მასზე ევროპის გაცლებით სახელიან კლუბებს უჭირავთ თვალი. გამორჩეულია ესპანელი გარემარბი ტონი კალვოც, რომელიც "ბარსელონას"

აღზრდილი გახლავთ. "ანორთოსისს" კარგი შემადგენლობა რომ ჰყავს, აქედანაც ჩანს - ჩეხეთის ნაკრების ფორვარდი იან რეზეკი უფრო ხშირად შეცვლებზე შედის.

გასული სეზონის მეორე ნახევარში "ანორთოსისის" მარცხენა ფლანგზე თამაშობდა დავით კვირკველია, რომელიც ახლა "დილაშია" - ესეც დამატებითი სტიმული კვირკველიასთვის.

"ვფიქრობ, თუ "ანორთოსისი" მეტოქეს სათანადოდ არ დააფასებს, დაიხვება. "დილასა" და "ორჰუსის" ორივე დაპირისპირება ვნახე. "დილა" რეკორდულად მოკლე დროში აწყობილი გუნდია, ექვსთვიან პერიოდში 10 ფეხბურთელი აიყვანა რუსეთიდან, უკრაინიდან და სხვა ქვეყნებიდან. მოიგეს საქართველოს თასი. მათ ძალიან კარგი მატჩები ჩაატარეს", - ეს თემურ

ქეცბაიას სიტყვებია, რომელიც კვიპროსულ გამოცემებთან საუბარში თქვა.

"დილას" ფეხბურთელები საკმაოდ გამოცდილი არიან, უთამაშობთ სანაკრებო დონეზე. უშუალოდ "დილას" ევროტურნირების გამოცდილება არა აქვს, მაგრამ, ვიმეორებ, ჰყავთ ძლიერი მოთამაშეები. საკმაოდ ძლიერია დაცვისა და ნახევარდაცვის ხაზი".

ქეცბაიამ აღნიშნა, რომ "დილა" თავიდან არც "ორჰუსთან" იყო ფავორიტი, მაგრამ ამას ხელი არ შეუშლია, რომ ორივე მატჩში დაემარცხებინა.

აქვე დავით კვირკველიას კომენტარი: "მიმარჩნია, რომ ჩემი ყოფილი გუნდი "ორჰუსზე" არანაკლებ ძლიერია. "ანორთოსისში" ნახევარი სეზონი ვითამაშე და კარგად ვიცი მისი შესაძლებლობები. "ანორთოსისი" შეტევაში კარგად თამაშობს, სამოთხი ინდივიდუალური ძლიერი მოთამაშე ჰყავთ და ისეთი გუნდია, შეცდომას არ გაპატივებს. ამიტომ შემდეგ ეტაპზე გასასვლელად სერიოზული მობილიზება დაგვჭირდება", - ამბობს კვირკველია.

"დილა" - "ორჰუსის" მატჩს კვიპროსელთა მეორე მწვრთნელი სიმუჟ კარაბულოლისი დაესწრო და მეტოქის შესაძლებლობებიც შეაფასა: "დილა" გაცილებით ძლიერი გუნდია, ვიდრე "ორჰუსი", ვანაძე კი ექსტრაკლასის ფორვარდი და გუნდში საუკეთესო ფეხბურთელია. მომენინა კახა ალადაშვილი და გოგიტა გოგუა. "დილასთან" მძიმე ბრძოლის გადატანა მოგვინებს."

დღევანდელი შეხვედრა 20:00 საათზე დაიწყება და მას ნორვეგიული მსაჯები მოემსახურებიან.